

文苑英華卷第七百七十六之六 頌五

頌德下

唐劍南東川節度使鮮于公經武頌一首

唐檢校右散騎常侍容州刺史李公去思頌一首

陵煙閣勲臣頌二十二首

陵母頌一首

唐劍南東川節度使鮮于公經武頌于邵

皇唐八葉伐叛取亂再寧區夏四海絕橫流九州無匪人  
制要荒以從述職分周召以相夾輔有多士為內理有方  
鎮為外攘垂衣裳而御極惟十有三祀矣大劍之南自秦  
惠䟽疆是一都之會南蠻西戎舊為敵國伺我休戚為爾

進退國家之有天下也或懷柔羈縻與之連和或掩義背德與之交鋒尋盟問罪不無事矣當天寶中何隴之外却地千里赤山青海不敢芻一作致飲牧絕漠無跡我嘗有之屬燕薊猾亂毒痛生人羣盜乘時豐彼戎復舊怨是以綠林逋藪白晝殘人池隍鞠為茂草邑里化為煨燼墜瓦萬聚頽垣一平大曆三年夏六月分命漁陽伯鮮于公擁旄仗鉞總統東川八州之地自閩之外帝俞欽哉公才包五行體含四氣揮若神劍扣如鴻鍾其始也凜之以威其漸也濟之以恩作之君師為之父母由是遠者來來者安也於是驅豺狼之所嗥剪荆棘之所蔽一之歲二之歲葺郡邑正疆理而樹牙幢三之歲四之歲闢田疇闡帑藏而耀軍

實五之歲而甲兵大振六之歲而勇可賈餘七之歲而人

有取疑作訓有常矣無暴可禁所謂保大定功有財疑作

斯豐所謂安人和衆兼之者不戰而勝兵將戢乎畿內諸

侯始有賴而捍戎於邠隴矣則知漁陽公外陳藩屏而助

威武於鑠哉其為人臣之式歟方今龍安屬邑久為重門

待暴之地壤連西山分我天限有間道可以招戎偵有絕

險可以資敵國不年發中軍之倖為之鎮守今秋自元戎

十乘以先啓行白露始降秋草方實勸角勁而膂力既堅

樵蘇積而糗糧斯峙如熊羆曰千夫長如貔虎曰百夫特

前矛一作後勁不戮一人君子曰軍政不戒而備矣以此

料敵兵必勝戰必克我武惟揚休有烈光福履所將壽考

無疆其猷克壯而佐堯翊湯不其盛歟公名晉字叔明漁陽燕人也其先殷人箕子處其地世有君長北方之強歟至西漢有京兆尹褒惠東漢虎牙將軍輔散遷伊洛相衛之間垂裕後昆繼世流慶粵有高祖父康紹後牧于閬解印寓於新政縣伯會二字一作洎曾王父與王父因家焉衣冠未裔松檟斯茂實膏腴而止斯樂土正版圖而終移關內今復為長安人也公先兄仲通擢枝枝縮黃綬不十年而權生殺於梁益之地入為京兆尹公自孝廉專經高第再叅環衛累拜棘司四遷柱史連擢華省宰洛邑時號神明牧商於人歌父母有詔加金商均房等州觀察使處置使又入為京兆尹歷左右宮相出牧臨邛兼御史中丞充邛

提行

南招討都團練使由中司復加節制焉尋遷御史大夫朝廷以為今之二難時也卓絕載形詔旨談者榮之方將登金鉉調玉鼎徼蒼生之福豈懼殊俗收係虜從衛霍之事乎邵忝嘉賓一作按招之未猥厠諸侯之選拜賜之辱奉以周旋頌聲不作無以報德發彼馨香存乎琬琰匪報也求以為好遂作頌曰金火間秀實生有德風雲所感以佐王國龍韜豹畧天資默識敦詩閱禮行有餘力忠於事君立名底績鴻鵠斯舉驂騮登跡風雨如晦我心匪易三川震蕩萬里沙磧宗社既安君臣正焉乃瞻西顧實維東川東川伊何人其播遷邑有遺洛家無舊阡爰命虎臣仗茲犀節上天下地惟爾之發拉一作招彼群逋輯我遊闕躬之先之

不日不月七載勤勸三軍克振龍安之役伐原示信么戎  
宣驕則我觀疊玉帳潛機金鉦俟進漢恩營平先零之功  
班壯車騎燕然以封軍之一作從所樂吾之所從門生獻  
頌豈二子之所疇庸哉

唐檢校右散騎常侍容州刺史李公去思頌并序

前人

維貞元二年秋八月天子以郡國二千石之高第者曰隴  
西李某字某利澤施於裔土美化被乎遐毗是用遵虞書  
陟明之義參周官進律之典俾之由檢校右散騎常侍兼  
御史中丞容州刺史本管經畧守捉招討處置等使爲御  
史大夫嶺南節度經畧觀察處置等使實授兵符加擁使

節某月自合浦如南海於是縣道谿谷鰥寡孤老洎于士  
吏相與懷思隱然不去乎心森然不離乎目願所以昭明  
其德光示于後嶺南經畧使判官權知容州留後事監察  
御史裏行同郡李牢一作幹始以文學居辟選之首遂參帷  
席復以謀能當器任之重番總軍府美公之政大備感公  
之禮有加因其人之請而上之上可其奏夫其郡之四封  
濱于百越外則有山寇海孽比境雜處之虞內則有勤戍  
勞師流散轉死之弊親師其下以撫吾人慰薦傷夷安集  
疲一作罷耗懼貨貢之闕至助之以家財憫徃事之繁至  
代之以私屬選武藝歸老疾罷減塞卒四千餘人以趨農  
時率浮墮闢汙萊開置屯田五百餘頃以足軍實舍寇賊

之爲縲囚者釋而遣之以除其怨而徂橫以順禁人民之  
相虜賣者執而誅之以去其害而童昏以安常歲有災濫  
炎而連燒于廬舍公創其制以禦其鬱攸而邑居以葺舊  
俗多怨睡毗而致毒于飲食公立其防以解其恟忿而鄉  
黨以和樹枝幹而啓閉畢脩列亭燧而厄害斯控差重輕  
以行徵令無不均之譏量遠近以納貢職無不供之責人  
用富庶家有儲峙敦之以禮懷之以仁潔已而不汚未嘗  
有賞貸勤身而不怠未嘗有懈弛明足以照遁情隱慝而  
不爲察威足以制猾人暴吏而不爲苛古之良能何以加  
此其人之獻狀云耳惟公我有唐宗室枝屬之選鹽州刺  
史諱孝詵一作先府君之曾孫弘農郡太守諱璟府君之孫

太子太傅贈司徒諱齊物府君之子洪緒丕績之餘裕弘  
休純懿之下鍾寬博而柔良高明而踈達根於經義飾以  
藝文故其仕王畿宰京邑累執憲簡且登輶車備重臣賓  
介之職居大府紀綱之任三亞京尹兼中司之貴復爲官  
相在常伯之位歷饒州刺史而後至於是州恩結於人功  
加於物必聞理効而興頌聲且夫有美焉有刺焉詩人之  
義也善善而褒之惡惡而絀之春秋之事也使賢士大夫  
之事業不沒於後太史公之制也以余之嘗脩史記而爲  
訓辭緣人之懷心而頌之曰  
帝念南方迫界蠻夷人新被寇歲或勞師屬之於公俾養  
牧之匪直勤身亦帥其屬贍我貧匱字我惇獨息人便農

別鈔本福下缺十六字無播為頌聲四字

墾田積粟脩其教化被以威德賊害既除禍災斯息完我  
廬舍親我骨肉咸保其生且易其俗蚩蚩羣族孰不蒙福  
播為頌聲公受百祿彤弓旅矢以長諸侯人之懷德刊石  
垂休

凌煙閣勲臣頌

文粹作讚二十二首

并序 呂溫

我二后受成命撫興運乾坤軸撼乾樞鼓元氣而雷域中  
騰百川而雨天下雲收雨霽如再開闢蕩蕩焉與太極同  
功貞觀十七年太宗以功成理定秉為而不有之道讓德  
於祖考推勞於羣臣念匡濟於艱難感風雲於疇昔思所  
以攄之無窮乃詔有司擬其形容圖畫於凌煙閣者二十  
有四人蓋象乎二十四氣之佐天生物文粹集本無此二字昭勲德

也昔者舜以九官

文粹作五經

致理周以十亂反正高皇

文粹作

以三傑祚

二本作祚或作祚

漢光武以二十八將中興若夫錯綜

勲賢牢籠今古雄四代而高視者其唯聖唐乎至若唐苜  
公劉渝公之倫探元符建帝圖首戴神堯舉晉陽而活天  
下此則大禹之拯溺也魏鄭公以致君為己任諫若不及  
謇謇左右秉心宣猷此則咎繇之颺言也虞求興糾合羣  
儒旁求百代明備王禮克諧帝樂使我大國煥乎其有文  
章此則夷夔之制作也長孫趙公舉大義除二亮安宗廟  
定社稷以振我不赫無疆之休此則周公之匡救也英衛  
受天勇智雄武佐聖鼓行海內麾定四方此則太公之鷹  
揚也房杜玄機朗識並運帷幄神發響効暮成天功此則

蕭何之指縱子房之決勝也尉遲秦程剛毅木訥氣鎮三  
軍力崩大敵匹馬孤劍為王前驅此則吳漢之樸忠賈復  
之雄勇也其餘皆穰棟殊材黼黻異制倚諸古烈罔有慙  
德皇王之業集作於斯為盛其始也文為經武為緯智斯  
作忠斯述其末也大不偏小不過退者全來者達控而縱  
之使自用之推而引之使自盡之不設籠檻以觀寥集作  
廓之致不頓韁鎖以極權奇之變執一德而眾力展懸大  
信而羣情竭高祖聚之以義太宗用之以道高宗終之以  
仁傳聖萬代享其功利此非盛歟昔陸機袁宏為晉人而  
歌功於漢魏作者猶或稱之况乎遊聖代觀國光日睨凌  
煙而頌聲不作某不揣賤劣有文辨豐然之志輒盡所蓄

各為讚一章上以見王業之艱難中以明聖賢之相須次  
以朗前哲之光韻末以聳後人之盛節侯君集張亮負勳  
跋扈自陷大逆敢沒其名用彰天罰二本使伐勞懷貳者  
懼春秋之義異姓為後故以河間元王為讚首云

### 河間王孝恭

太極構天本由一氣大人創業資我族類堂堂河間仁勇  
是經通駿有聲為唐宗英暴隋天亡羣盜猖狂我伐用張  
時惟文辨哲王武有烈光為爪文辨牙肺腸經綸八方自  
南徂東晏海澄江平有鏡使我父二本帝天下化家為  
邦用竭爾力寵臻其極言不伐色不德以遜以默柔嘉惟  
則佐高祖建大勳如周旦奭與太宗守大成如漢間平宜

君宜玉盤石無疆

房梁公玄齡

梁公先覺龍卧待君長等流光掃天布新義師雷興公躍  
其鱗杖策千里來排帝閣婉婉梁公實懿實聰實光實融  
羽翼義忠若鸞若鴻大風動地儒服從容靜運曾中弛張  
折衝左右太宗夷屯廓蒙定高祖功告武成翊開太平  
我雖忘勞時靡有爭網羅遺賢推轂羣英玉不韜光文粹作輝  
蘭無沉馨飛鴻出冥振鷺在庭濟濟多士太宗以寧太宗  
寧矣文粹無此四字公無事矣闕袞有補惟仲山甫經營四方方  
叔邵虎大邦鈞軸至則委汝閑居台輔揮二本作搦默自處亦  
莫敢余一作余敢侮高朗令終於二本作鳴呼梁公

杜萊公如晦

穆穆萊公竒資粹靈蘊元和氣為大國禎乘時能恢文粹作恢  
能唐室天文粹作大開故人相携與房梁公同有匡濟之志也直上泰階更  
為陰陽迭作日月佐明四海資育萬物二人同心王度是  
欽如玉如金德音悃悃萬有千古永稱房杜如周申甫

魏鄭公徵

堂堂魏公崇節大志喬幹直聳摩天自致遭風雲時得霸  
王器一言委質有死無貳二本作二撫我則后各盡其志增事隱太  
子李密也沉浮變通吾道不窮龍戰既息皇建其極俾補袞職  
其繩則直諤諤凝凝危言正色保太宗德弼違替否日月  
不蝕黜漢霸雜行周王道人或言秉德不撓與封德禮



興樂崇德洽道豐保合太和昭明有融起四年中復三代  
風言出化成神哉厥功尹躬佐商有耻于湯公以其心文粹  
作匡飭文粹聖唐為唐宗臣致唐無疆致唐無疆末式萬  
邦志

長孫趙公無忌

趙國之先發祥朔土乃祖乃父受天之祐有女而聖文德  
為天下母有子而賢為唐室輔聖賢同契文粹千載一覩  
丕顯趙公允文允武克忠克仁實有大勲高祖受命太宗  
歸尊翼翼乾乾恪居于藩羣孽亂嗣爭窺神器鴻業將墜  
公揭大義一匡天地人到于今家受其賜帝將傳聖爰有  
顧命汝忠汝誠莫與汝京與我聖子守唐太平公相高祖

有太宗餘二本風刑措財豐八荒來同和氣大融妖星藂

月一作禍起中空公將正言集作以正集作帝躬武氏

力爭力屈羣邪誠阻天聰黜非其尤令問無窮

唐莒公儉

歲寒陰凝冰雪皚皚有鳥擇木先陽春來荷與莒公王佐  
之才間運未開登潛龍臺代萬一本百姓請命與天為媒扶  
龍而興振起雲雷權與帝圖經始唐基始覆一簣勃焉巍  
巍易失者集作時難知惟幾知幾其神莒公元勲

劉渝公政會

河出崑崙來潤中夏連山合沓橫擁其派巨靈勃然手折  
文粹太華決流東注功並造化粵我聖唐將舉晉陽帝命

是將往拯溺于四方亦既載旆亦既秉鉞強克當路王威高居

雅拒不得發渝公慷慨感義激節用奇制變大事立决雷

奮電文粹作建越天衢八達則莫我敢遏如巨靈破山河勢始

豁赫矣渝公與神齊烈跡如仙掌炯炯不滅

### 李衛公靖

有隋之末羣盜熾帝怒震發五星從太白煥照參野將

有聖人兵定天下金精下射猛毅感激李公矯矯從此奮

跡躍于中原王者則集作自獲壯士不死初公不利於我帝

壯士云唐威載赫帝曰汝傑致天之罰手付金鉞俾往式

遏不庭則殺如飈發發如大烈烈摧枯爍雪應鼓如截遠

若荆巫險若江湖強若匈奴莫不率從莫不震恭車書混

同氛稜蕩空衛侯之功功則維何威明惠和策勇駕智長

驅仁義仁義曠蕩帝王之將萬古式二木瞻鐵山巉巖築

墳闕象鐵山積石山巉巖一作巉巖

### 李英公勣

橫流莫極大亂無象英公傑出應運為將與楚楚霸與漢

漢王天時人事隨我所嚮長蛇縱蠹王世東據河洛焚焚

封豕建德來濟同惡虺二本吼連聲如雷如霆萬里震驚時

維英公諒我太宗斬豕以鉞取蛇于穴羣穢殄滅乃定九

鼎乃開明堂奄有大邦金甲同光告成于皇太宗獻捷于高祖與勣探

金甲為上下將皇業用昌帝命英公北伐獫狁雷鼓殷殷旄頭幾

殞掃雪文粹作雲黑山布唐陽春五原草綠不見南牧島夷未

庭天子親征其鋒維英莫拒莫抗是震是蕩破東海浪天  
下既和解鞍投戈衮服委蛇華髮皤皤始終三朝無玷可  
磨

劉夔公弘基

夔公崢嶸金虎之精應時而生與運俱行總帝元戎震唐  
天聲瞑目張膽前無金城別建龍節中分虎旅啓行萬里  
乘氣一鼓劍揮雷電二本作電旆卷風雨先馳咸陽鎮定天府  
天府既定唐集大命入揚王庭出握文粹作權兵柄薄伐獫狁  
朔風不競徂征島夷東海如鏡義始忠卒元勳之盛

長孫邳公順德

泰山未明雲鬱幽崖日觀赫開舒為丹霞昔我太原賢傑  
潛屯帝出于震爛其盈門邳公炳焉實耀其間功參造化  
謀協先天執爻前驅捧轂南轅以勞以舊佐命之先

虞永興公世南

英英永興華德素行以文富國以道佐命天下既定為唐  
儒宗東觀石渠始生集作出古風秉精驛文粹作驛思假道書圃  
馳騁文粹作驅百代出入三古開渠作渠義皇心聽堯舜語歸來

帝側獻可替否帝告永興與鴻碩之倫闡六籍三墳建樂  
章禮文先師是宗先聖是崇於廓辟雍辟雍沉沉天子所  
臨或絃或歌講古述今其徒八千纓弁森森獬豸羣咸  
詠德音羽林孤兒亦垂青襟洋洋聲教無遠不洎日月所  
照皆成文字鬱開古始掃蕩澆季實我羣儒成太宗之志

英英未興宜曰文懿公

尉遲鄂公敬德

洸洸文粹作鄂公百鍊龍鋒文粹作泉沉翳未宣氣衝斗間佩

非其人初事金剛躍入大川神武獲焉提之上天天地之內指

麾無前熊威虎力隱若敵國剛毅木訥安劉必勃武德之

屯手拔禍根掃除氛昏捧出白日文粹作日月耀乎天門功成

名遂高謝戎事烈烈猛志化為和氣深地高堂願性保常

屑瓊飲露靜奏清商商為臣勵事君鄂公之德之勲貞觀後公

不交人事常鍊氣服食奏清商之樂以自奉之德之勲二本作之志之仁

蕭宋公瑀

隋氏不君忠賢莫用桐生朝陽有集惟鳳捨彼頽厦鬱為

新棟輅車玄袞開國有宋武德之暮羣孽內蠹巍巍宋公

聳節高步不吐不茹不來不去屹岬文粹作岬中立為天一柱

從容而言社稷遂安持誠秉忠光輔二君激濁揚清育集

欲人如身道至廣莫我敢羣境至大不容纖塵雪山倚空

冰壑照人耿介絕鄰文粹作倫為唐貞臣

張郊公公謹

有倬郊公仡仡而仁二本作貞洸洸文粹作洸洸而純二本作仁實太宗

信臣太宗守藩內難未夷圖之則安捨之則危帝臨安危

機二句一本作圖之則危帝臨危幾以懼以疑以著為有文粹作先知是筮是

咨郊公嶷然排闥折蒼抗憤正詞用人事定天意身為元

龜不識不知順帝之則以定社稷郊公之力公之云亡帝

念其勤若痛在身天懷發中哭不避辰君臣之間憂古未

聞公嶷其辨國時善計對五國用公事天道也為示

屈突蔣公通

五運相推土火革期隋化為唐忠臣不知猶驅義徒奮拒

王師指心誓天摩頸待時人歸有德四海皆叛春日蒲川

孤文粹水未泮亡家徇國方寸不亂力屈勢窮排空落翰

東南慟哭血文粹盡竟斷仗忠就擒萬國瞻嘆帝曰邇通

古之烈士孝子其親誰不欲子俾侯于蔣授以師紀感恩

不死宣力如彼佐唐扶隋名教之美

高申公士廉

維岳降神佐唐生申忠貞自天孝友如春德為邦基行文粹

仁厚人倫肅肅雍雍真王者臣慶因歸妹光誕算作天配

文德皇后公之同婚媾之中雲龍潛會建功二本南海廓

我無外諒武撥亂弼文開泰文粹彼庸蜀荐鍾澆季文

翁之化若掃于一本地申公攸徂有教無類父子兄弟望

風相媿勃興儒雅大復禮義西南頌聲到今不川文粹墜

名登元勳理冠羣吏全材大器於鑠厥懿

殷勛公開山

温温殷公初若懦夫銅印試吏褒衣為儒大風驅雲忽與

之俱遭逢真宰參造化暮天地既闢厥功有赫從王龔行

佐帝光宅遠展驥足高揮鳳翮以求終譽垂于竹帛

秦胡公叔寶

文苑英華 卷一百一十五 秦胡公叔寶

洛汭之役龍戰未决

王世充與我師陳于九曲

秦公應變臨陣電拔銳

氣盡來我盈彼竭成敗反掌存亡奄忽虎來風壯鼉轉山

沒遂作心膂爰從討代崩圍陷陣火迸冰裂翕如鸚聳縱

若鯨突功成國定萬古壯骨

### 程盧公知節

盧公倬然動軼幾先轉禍為福

與秦胡公降于九曲

攀龍上天續翻

鵬翼積風乃聳桓桓將軍大敵則勇雷崩山谷貌虎頓伏

颺倒溟波鯨鯢蹉跎見危而進當死不讓干城三朝身老

氣壯

### 段褒公志玄

褒公虎臣先運而臻謁帝大原許唐以身挺

集作

劍駕氣

騰風躍雲積忠累仁光有厥勳建旄

蜀本

北伐細柳宵旄

風謐霜凝嚴扃達晨天子之使駐車軍門

軍屯肅章門乃外壁門以夜不

納制

安眾秉威此真將軍洸洸

文粹作

桓桓克壯有聞

英華此卷累用洸洸而文粹皆作旡旡疑當時避熙

陵藩邸嫌名

許譙公紹

羣動相食血流中原譙公夷陵豺虎與

文粹

鄰列境連城

火炎煙昏皎其一邦如玉不焚三光忽開萬象皆新誰有

天下平生故人

公與高祖有舊

引忠歸城豹變蠖伸金石之契移

為君臣弈弈煌煌為龍為光元戎啓行大旆央央式遏大

江奄征南方恩斯勤斯兩不相

集作

忘

陵母頌

皮日休

孔父稱唯小人與女子為難養也夫女子之忠貞義烈或  
 聞于一時小人之姦詐暴亂不忘於一息使千百女子如  
 小人姦詐暴亂者有矣使千百小人如女子忠烈貞義者  
 未之有也則安國侯之母也不以項強而劉弱俾子事項  
 不以子背君而別事而有忿色對暴君而抗大節捨其生  
 而踐死地嗚呼春秋書解楊致晉君之命漢史稱周苛拒  
 項籍之爵方諸陵母誠未為忠何者男子少服教壯行道  
 忠貞義烈雖死不辱鼎鑊在前而不懼鑽集作鑽笮被體而  
 無怨乃男子之常事也至夫女子少隱帷薄壯執箕箒豈  
 常熟於忠貞義烈哉是女子之有是者猶百物之有瑞者  
 矣豈易為哉豈易為哉

校正七十六字

四月十八日

文苑英華卷第七百七十六

文苑英華卷第七百七十七

頌六

宮闕上

九成宮頌一首

王勃

臣聞在天垂曜璿宮列乾象之墟在地班形珠闕鎮坤靈  
之野洎夫三精駟運即寥廓而為宮九聖旋游遍洪荒而  
可宅則有瑤房玉室崑山分大帝之庭金屋銀臺滄海擢  
玄元之宇豈非神明其道騁仙轡於無垠浩蕩其居示清  
都於不宰若夫扃牖六合奔走八神占日月而揆山川駕  
陰陽而法天地非聖人其孰能與於此乎至若文開遁甲  
仇峯城蒼后之躔樂奏鈞天峒嶺駐黃軒之駕業融環堵  
下姑射而尋真道濟巖廊望衡山而展事斯則三階遍下



唯臨布政之宮六位時乘未覩巡方之館其後兩龍齊驚  
抗瓊闥而同嬉八駿高驤指瑤池而結興殷風不競砂丘  
雄別館之娛秦道無章雲閣徇殊庭之賞於是功虧大壯  
頌闕祈招豐屋同忘危軫繼及遂使來年此句疑侯跡名山  
為縱觀之場並海遵河沃野盡行宮之地皇天震怒於上  
蒼黎昨慟哭于下土其有斟酌千古文明一代蒿官不陋  
茨山可仰勤斬成東岳唐帝復衢室之尊用饗西岐天子合  
鈞臺之運得其道也一作者蓋有存焉國家梯一作張霄架極  
鑿域栽基纂高立白雲之胤鬱函都紫氣之兆宸扉既闕  
一宇宙而來王聖籙潛躋貳乾坤而作帝高祖天旗夜立  
制黃馬而先驅太宗日馭晨飛騾綠蟠而首出雖立極承

桃之業進燭前文而重光累洽之符歸功下武陛下承靈

太一踵曆登三星虹杏祉電一作雷虬發慶丹書碧篆神符

煥河洛之文玉斗珠衡天骨擬皇王之表用能捨桐珪而

瑄瑄七鬯肅玉籍而揖宗桃寫藹九天騰景萬里御風雷七

耀於上博臨之功顯用山川六府而下輔相之宜得玄宮

密運敷造化於靈襟黃屋神凝創經綸於寶思鳳闈宵靜

陰靈宣玉閭之華鶴禁朝趨離象峻銅樓之景川分帝子

控鯤壑而疏源岳動天孫擁熊山而列鎮其化成也如彼

其強幹也如此猶乃停旒正室嚴續中軒玉階匪泰金門

為險佇虹旃於月澗岳瀆生光飛鶴槩於煙臯江湖動色

桃溪逸彥塞丹井而歸風松磴遺英斬玄關而奉制位兼

文苑英華

河海九卿參巨濟之功道合星辰三事鬱經天之象朱轡  
緝化泣故老於中溪墨綬宣風繞春童於上陌王化之基

一作已洽天工之代有序建銅儀而測曜象一作緯齊懸

按璿璣而書雲禎氛一作壘舉祥嘔十二紫鵠調夏谷之

音大禮三千頽地應黃鍾之曲蚕功順命業著於青裳蜃

磨迎春恩周於黛耜黃砂靜讞爽鳩與頓足之悲丹石銷

冤神儼輟推鋒之計詠時和於帝壤動植咸驩歌道泰於

華封昆虫自樂星墟列將輝玉節而長驅天策神兵下金

壇而決勝橫麾赤岷葱山成不戰之郊命一作繳青丘桃野

見其亡之兆煙馳火微勵珠產而移琛雪鷺冰洲駕瑤谿

而納賚乾坤徑復載遵赤縣之封曦望環周末出黃圖之

域故夫含吐萬物至功也制平八表大業也一陰一陽神

通也乃文乃武聖圖也用能使天下愛寶地不藏珍日月

五行風雲四序龍章鳳彩鳥奕於郊墟黃鉉紫玉磊砢於

垆圉集風雲於翠筵浴其露於朱英澤馬飛鑣山輿結轍

殊微狎至祥書竭東郭之毫累譯同歸朝冊盡南山之竹

然後瑤壇備物陳帝服而展皇儀后室疇庸登太山而小

天下功弘事畢狹廣宙而三遷風舉雲搖歷神都而一憇

考遺基於汶上稽典故於淹中光總章之瑞紀嗣乾封之

寶曆大矣哉并中作睿握四海而為尊則大斯模肇三宮

而配未憑大室而高視靈壇八百坐明堂而恭已諸侯一

萬時既貞矣襄城一作辭訪道之遊功既成矣玄圃頓尋

域一作非

仙之駕由是南宮奏議和玄禁而成章西土謳歌指皇輿  
而佇眷咸以殄臺覩穆陽靈開避暑之宮清序鈞調景福  
制追涼之殿然則高棟深宇威神之宏節也順氣發生巡  
遊之大功也况乎石城金室一作屋編輿井鬼一作論與之區

珠藪瑤池宛在秦幽之境應雷輶而出豫蒼帝其時面炎  
馭而思和朱明不遠雖塗吟野怵黎元忻望幸之符而屈  
已從人天子下勞謙之詔候離局而從宴尚惕三危清近  
縣而移鑾猶詳再駕以為三十六所帝劉非舜禹之心四  
十二宮全趙異成康之曆誅荆臺而夕厲思蒲坂而晨疑  
方奉後天之期俯順觀風之請萬靈提祉三辰合慶姬文  
考筮容成奏日千旌鳳轉儼鏤象而星陳萬騎龍嘶伐靈

鼉而曉胤靜帷宮於綠野肅帳殿於黃街奔攬捨而走陸  
梁陳浮靈而候明月前驅雷竦下列缺於騰鞭後乘雷驚  
起豐隆於驟轂瓊戈晝酒太陽疲轉日之鋒玉劍宵翻懸  
象睹衝一作衛星之氣天旋霧散岳運川迴林兵護野方臣

疑作方神班固東都賦山靈護野屬御方神兼頌第十七再用啓路黃麾紫蓋襍精氣而  
西浮雲動神行背封巒而右指吐霧馳風以臻夫九成宮  
禮也爾時峯橫地乳景戴天糜分閬井而圖基蔭秦星而  
耀趾靈墟寶藏代興汧雍之間峻阜長岑疊鎮岐梁之域  
丹溪碧洞吐納虹霓一作淮栢叢篁騰遷雨霧獲秦餘於

故兆地擬林光訪周舊於遺風山連水滸前趨劔棧玉壘  
千尋傍望斗城金墉萬仞架陰丘而北走境瞰廊祠分杏

郭而西馳塗交隴坂仙都密邇猶連上苑之局靈宮巋然  
 直透崇岡之曲即礪基於礪道利在斯于固拱木於虞衡  
 規同匪日彌峯跨谷層城萬轉歷險乘危迴廊四注山祗  
 盡石出微道而終年風伯羸糧半長途而中宿架千樓而  
 致極疑作傲極揚雄井泉賦概北極之嶸嶸爛若神扶羅萬戶而窺天巍如  
 化立離堂早照皦日籠光於綺寮合殿宵深歸雲納影於  
 重廡珉房砥室畫拱相望綠岫紅巖雕攏間出玄熊蚺蛭  
 俯棟宇一作相而危心青鳥歸飛仰靈軒而墜翼轉飛檐於  
 秀嶒上出重冥蔭反宇於迴谿下臨無地紅葩紫的垂倒  
 井而披文金鎖銀鋪接重扃而炫色儼鉤陳於漢陌太階  
 非遠設陛戟於煙庄仙梯可陟華瑠壁散掛明月於崇朝

密網珠連落奔星於已曙丹樑一作梁發秀彩杏虹文皓璧

凝鮮光涵蜚氣銅龍對雷接飛泉而瀑流一作灑鐵鳳連甍

倏還颺而佇立雖南纏統序北室開榮一作辰凜勁氣於

叢楹起淒風於洞穴一作間跋鳥失轡出澗戶而無光金兔

低輪下山扉而變色陰庭阻夏祝融無竊據之因邃屋乘

一作春顛項定忘歸之策飛廉扣響赴北闕而神寒屏翳

收津跼南端而股戰蒼蒼八桂白露為霜落落千松玄陰

昧景金人列陛來危砌而思裘玉女窺窓伏增巒而請纒

陽秋代駕不凋仙圃之華天一作增地為鑪未解幽陵之凍

至若氣清乾步景霽山維栖翠藹於崇榮列朱霞於複榭

瓊枝累道彩綴文槐碧樹周阿光搖鏤檻靜簾帷而洞啓

一作

日

穆羽相和肅坻堦而天臨織塵不動宸儀有晬蓬萊與城  
闕俱榮羣后多歡蘿薜共簪裾合賞巖花落砌綴龍泉而  
成文嶂葉交軒拂鸞旗而追影鑪峯轉藹香傳玉几之風  
石瀨鳴湍響入銅壺之水乃有稜一作陵陽駕鶴奉丹墀而  
稱臣子晉吟鸞下青蒲而謁帝箕精失耀傳說恭命於東  
廂昴宿低芒庭堅奉職於西序三臺九署雲端極目霓裳  
風髻闕下相尋張良卧疾攀赤松而有地綺季來朝歌紫  
芝而忘返若夫功成旰食道濟宵衣漢宮追聽覽之餘堯  
殿得巡來之際霞登月懋光睿幸於彤闈玉振金聲藻宸  
章於翠掖洛陽才子承閑盡宣室之談蜀郡詞人還奏動  
甘泉之賦復有軒庭十四出桂闈而乘茵永巷三千望椒

塗而奉幣翊鸞臺之廣晏危駕砌之仙遊羅綺芳兮四面  
春環珮鳴兮九重暮風閨夕敞携少女於歌筵月幌宵隴  
下姮娥於舞席玄房娛宴雲姬辭豹尾之歡緝幄承顏星  
媛入魚鱗之戲若乃屯營櫛比對閭道而斜趨廨寺棊分  
混文昌而外屬周朝瑞鸞聲參叶律之官陳寶鳴鷄響襟  
司晨之序名都廣會閭閻萬室帝籙仙垣亭臯千里山村  
野塾家連茵草之園谷飲川居戶有桃符之水故夫恩加  
草樹囿原澤而無私道被翔行苑山川而不禁每至旻天  
戒序高風嘯律虞官獻秋獮之儀司馬奉梁騶之典將軍  
布卒畧玄灞而東馳都尉關營統擬作繞張衡西京賦黃  
山而北睇於是逢蒙列階蚩尤並轂材官發射期門走伋

杖玄麾而直指鷄視千羣奮朱鬣而橫行龍驤萬計魯旗  
廣施出宇宙而三驅壘鼓鳴鍾連一作連雷霆而一呼前旌

逐日夸父斷洪河之流後騎超山共伯挾崑崙之柱近陵

吐焰絳奔電於長鋒灌莽生塵隕飛霜於勁鏃合戈鋌而

照地猛兕知窮振罟網而籠天騰龍失據崩林磔石毛羣

無挺險之資蔭澤風山羽族落垂雲之影長圍躡蹠得駿

馬於秦垌大輅倘一作翔徻載飛熊於渭浦然後還師振旅

考事陳功皮軒按節牙璋復路祝餘生於大野誓廣校於

長陬腥臄一作腥於截辟之墟有蜡於長揚之館命奔蜂而

舉醕火照甘泉總輕騎而行庖雲驚上路聲兼萬籥歌鍾

空廣樂之庭禮被三擁玉帛盡塗山之會龍胎鳳卵入禹

膳而調方石乳瓊漿委堯樽而湛色因露一作露下帛宴液

仙宮雖大夫思濯鷁之歡而天子可迴鸞之奏然後拜釐

清廟考德齋宮用玄功而不有宅太虛而無迹動崇易簡

規萬祀而化黃金道貫幽明微百靈而響丹旣得玄珠於

舜海尚驚冰危朗天鏡於堯儀猶勤日晏虔恭上帝東朝

懸待諫之旌清問下人南面聽登聞之鼓則有郊童俟蹕

敢讓天師野老排闥唯歌帝力風行北屋忠臣収折檻之

謀化溢康衢良使息埋輪之請設神規而動俗庶績其凝

握元符而發祉殊方合應華胥已泰濟羣生於不死之庭

問閭可觀致仙曆於無窮之境蕩蕩乎發育萬物而顯諸

仁洋洋乎包舉六氣而藏諸用均兩儀而得一耻三皇而

效苑英華

不四者矣臣勃東臯賤節北臯幽姿常叨召見之恩驟玷  
明敷之列書生謁相望闕推輪下客遊梁榮叅賜帛終童  
立志空投函谷之繡馬令同時未給尚書之筆雖玄機妙  
鍵已寂兆於忘言而詠德陳功請追聲於匪頌其詞曰  
九門浩蕩三山超忽帝坐金房仙成玉關浮丹麗紫栖霞  
冠月真匠難徵虛談易越其一旋窺鳳紀極睇龍墳曾巢化  
没上棟支一作分茅宮蔽雨松殿來雲猶迷匪陋尚缺斯  
文其二道倫明一風遷繼五禮讚三宮詩歌百堵黃圖未洽  
紫庭無輔局促墉垣逡巡度矩其三盛衰環襲冲盈舛鶩璿  
宇夏關瑤扃殷樹奢窮地絡毒流天步相曰一作遄奔尋  
雲速仆其四災延六國運逼三川分雄競侈禮僭圖全飛臺

月徑列廡霞阡乾谿敗楚碣石亡燕其五阿房秦構文軒五

里建章漢立仙闈萬扈疑作詭代齊徑一作違天縱已望

夷有豐甘泉不祀其六宛郊嗣錄譙鄉警衆蜀跨梁岷吳吞

楚夢相宜栽軌崇楹累棟雲闕同華泉臺罕共其七晉圖給

庭無色帳殿相臨氈墻間飾其八南承有宋北洎亡隋功慙

戶牖守在城池樓船水覬車陣山窺吳庭再毀代鼎三移

其九火德初融江陽棗疑旅奄収淮船遂朝吳渚象措疑驕

秦龍舟壞楚雄圖乃溢傾宮不處其十海岳呈華風雷寫慶

剪諸戎首光我靈命紫氣雲蒸黃星月映轡商為業遵唐

啓聖其一景閔丹繩祥抽翠籙格天垂範模神鶩躅朱極

重光黃離繼旭道清金鏡時和玉燭其十激規鳳闈毓訓

鸞闈桐宮宿列桂邸霞飛台精變道岳耀裁幾朝盈振鷺

境北馴暈其十武韜弓矢文經步驟爽鳩議獄龍師掌奏

玉帛華夷提封宇宙譯書歲款祥圖月奏其十帝功得一

乾元用九鏤玉天齊塗金社首神京四邑明堂八牖燹而

可大為而不有其十曾宮望幸幸封佇悅伺隙披圖乘時

徒疑轍赤駟俟駕蒼虬按節月車宵移星闈曉列其十方

神護野岳將清塗廻麾嶠路逗蹕山樞千靈電驚萬辟風

趨鈞臺有問峒岫無虞其十五城分秀雙巒抗影畫拱彌

峯雕甍亘嶺煙閨夜謐雲房晝靜竹殿栖寒松軒祕景其

八紫庭晨御彤闈早闢天子凝旒辟公奉璧薜蘿齊致簪

裾混迹仙鶴隨輪靈鳥墜鳥其十風扃濬敞震廟藻遂玉

綱星開金鋪月墜山樓獸矯雲臺鳥次複郭披丹廻流轉

翠其十仇夷聖宅姑射神心樂翔丹鳳使引青禽羲壇葉

暗禹洞花深沼分瑤水花跨珠林其十二順時宣節分戎講

將星騎朝飛雲羅夕張寶鷄獲祉非熊入貺駕掩岐蒐禮

高奏疑作望其十二鄂庭未遠塗山有戮襄野迷軒清都宥

穆罕夷乾步徒豐帝屋光總大猷允歸天祿其十二命官垂

訓靈臺韻雅功映寰中頌流天下皇圖已泰鴻筆難假帝

有力焉惡疑非能者其十二

十四



文苑英華卷第七百七十七

校正六十二字

四月十八日

文苑英華卷第七百七十八

頌七

宮闕下

城色

乾元殿頌一首

新廣雙城門頌一首

蘄州新城門頌一首

雜頌上

馬寶頌一首

神雀頌一首

宮闕下

乾元殿頌

并序

王勃

臣聞鵬霄上廓瓊都開紫帝之庭鰲紀下清珍野闢黃靈之館兼山配極照鸞闕於霞標荐水涵元湛驪宮於霧壑斯則神徵語恠功潛鳥跡之初理涉非經道昧鶉居之始

授鳳書而稽碧落仙構罕存按龜錄而質黃圖金模間起  
粵若風移處閭增巢恢火運之機業拒嚮明上棟括河圖  
之粵三堦布政詠匪日於靈臺百堵陳詩頌斯干於考室  
亦有黃軒瞰月樵門頽九洛之功璿闈排煙牧野構三河  
之酷御燕臺而臨北極缺王度於祈招列雲閣而拒南山  
隕黃謨一作謀於軹道然則卑宮喪禮采椽輕四海之尊豐  
屋延災栢梁非萬乘之有雖因時立事奢儉殊流而弘道  
在人興亡迭一作逝運靈光末造不窺九室之榮景福宏規  
猶擁三方之豐聞一作瞻風舊史逮曹馬而無譏觀跡故墟  
歷周隋而未得自我唐太陵遷構均五方於鶴几之前中  
野凝圖調六氣於虬牀之下坐圭臺而清俯仰畧緯齊明

臨邑而重威靈雲雷合響得玄功於大壯其至在茲乎

我大唐鷄渾制極樹神宰而制山河鶴識裁儀闢太虛而

有天地黃精吐瑞潜龍苞象帝之基紫氣禎一作頽祥鳴鳳

呈真王之表高祖太武皇帝虹星湛色開寶胃於金壺蛟

電凝陰發皇明於石紐白蛇宵斷行移海岳之符蒼兕晨

驅坐遣雲雷之業屬東隣委馭扇虐政於叢祠北拱隳尊

素皇圖於寶極蜚鴻集野瞻烏鮮投足之因青牘疑作牘

武時賊也嘯風羣鹿無擇音之所天街五裂截鯨浦而飛芒地

紐三分觸螯山而按節玄虬在御掃圻甸而廓星都黃鳥

分麾動扶搖而駭雲陣鑣官杖鉞跨高陌而登元轡野韜

戈陟圯壇而擁號皇圖不恃聖人追卷領之風神器無私

移一作才子奉褰裳之運太宗皇帝雲房揖契壓麟璽於庭

軒雷渚翔英擾龍鈴於高席一作周鑄八能龍一作亨運抗鶴邱

而杖朱髦十亂恢基臨鶴州而擁黃鉞唐雲秘族潛開白

水之徵代景迴輪光踐丹丘之運權輿象緯削茅社而建

瓊桃草昧風雲席羅圖而創璿曆紫庭合粹括宇宙於宸

襟丹宸凝尊運陶鈞於寶思摘碧霄而鍊石上清耀魄之

宮詔寰海而捐珠俯睇陽侯之室功驅偃伯頓鸚視於華

封道被來王靜龍吟於武庫玄樞上運卜年開累聖之符

丹竈昇遐遺範啟謀孫之畫皇帝陛下椒庭襲慶曜璿萼

於霞庄注蘭殿分休湛珠衡於月館道凝瓊鎮下蒼掖而照

重熙業峻銅樓憑紫軒而揖羣后環四瀛於舜抱漏蟻覃

津栖十景於堯衿巢螟荷照上元開錄寶龜定皇邑之模

下武崇基飛龍錫帝臺之構貞明啓運齊一作齊玉鏡於鸞

門易簡成功偃銅符於鶴伏一作帳懷降尊於襄野太階忘

七起之勞念負重於焦原中席託三危之險臨翠媯而則

道天孕時成坐玄扈而披圖神超物妙中宮星潯縱淑曳

珠紱於銅臯雲野疏祥抗瓊枝於桂浦素蟾澄慶六虛充

牝馬之貞丹雀御林二雅合關睢之好璿宮夜靜居龍憶

而調元金房屋晨開御駕階而緝化芝庭揖訓遠清和鳳之

儀蘭珮承風競峻當熊之節皇太子承雲紫座坐翊八柱於

乾維湛粹青衢揖三樞於地戶黃離踵曜太陽分銑樹之

輝蒼震荐音少海控銀河之色鶴筌飛奏想丹駕於瓊山

朱儉

鮑俎捐芳齒玄冠於寶序彤闈問豎禮崇監撫之威黼席  
興賢義極君親之愛若乃東門邱胤疊仙構於熊山西苑  
承家導靈波於鴈沼桐珪作瑞鳳毛耀丹穴之英茅壤分  
維麟距冠玄立之後巽宮延粹闢朱柱於娥臺允野流芬  
疏紫蘭於別館頽隈毓範雲門一作高分戚里之驩覃嶼凝  
規星閣絕郎官之請雕龍命職縱跳澤而驟鱗翠鷄調司  
順義飈而撫翼月軒宵佇虞谿降璿緯之精震帳晨披姜  
水洞金韜之賸飛鶴書而抽海狀桂壑於是投綸轉麟旆  
而揖山容松澗由其削衽軒圖瑞裔泛花綬於鷄林農紀  
祥炎濯蘭纓於鳳水仙臺傲務三珪銓棘序之風天秩調  
邦六府變槐衢之典金門獻納縱麟筆於苔牋石館論思

敷龜章於竹槩淹中訪禮蹲龍揚壁水之波稷下談經飛

兔躍環林之秀詞庭吐鳳翫鳥跡於春蠶書帳翻螢閱蟲

文於夏閣杏花千畝一作藉緝轅照帝藉一作磨之功桑柘三宮玄

綬降親蚕之禮圓丘上闕奉蒼壁於靈壇方澤下凝列黃

琮於寶墀朱絃翠璣履霜懷四響之尊復雷重檐消日正

三綱之首五靈奔慶冠虵澤於黃樞六祀銜欣颺麟煙於

緝席遺弓積慕虔深太廟之儀執豆推恩道振明堂之禮

瑤山廣樂備逸調於宮懸洞庭仙奏納遺歌於帝府九韶

分唱后夔清桂序之音六變同和飛鳳掌梧軒之律樽俎

折旋之數苞舉陰陽堂庭節奏之規彌綸宇宙靈襟索隱

控風伯於詞林睿想鈎深詔天吳於筆海神窮獨照傍探

赤水之珍思治幾深迥寫丹谿之韻金壇紫露映銀籀而  
 翻華瑤林白雪藻瓊章而吐絢蟬機撮化銅渾將九聖齊  
 懸虬箭司更銀漏與三辰合運爽鳩分職素雲頰鳥啄之  
 祥神懈關司玄水照龍顏之則黃沙鞠草剗叢棘而遷訛  
 丹石滋苔仰其棠而息訟融臯再稔方聞外戶之謠昧谷  
 千箱坐溢康衢之奏百城煙峙望秋露而乘風千室雲開  
 合霄建而組化彤幃獨選熊轡下盧鴈之祥墨綬分賢犀  
 檢降槐鸞之祉筠駉竹信髦士剖竹而相尋葦杖霑仁鮒  
 叟攀輪而不暇龍蛇可踐野人豐荷杖之驩雞犬相聞城  
 尉輟鳴桴之響玉雲抽潤湛芳氣於璿臺六府威殷唱豐  
 歌於銅闕不一作嚴戒而昇東戶恩周動植之津博施而舉

南風化偃胎萌之寓神謀備預儼七萃於丹樞邃畧防微  
 肅千廬於紫衛元戎握節黃公授犀闕之圖帝座聞鼙玄  
 女薦龍庭之策頰柯捍疑刃中權決勝於兩階白羽俄麾  
 善陣推亡於四表朱匡反景之域削虵弭於文槐黑山明  
 月之鄉委龍琛於武帳錦軒星鶩控乾絡而觀風繡服霞  
 驚浹神絃而問俗川浮沒羽鯨谿靜丹浦之虞陸薦飛毛  
 熊獻動青雲之偵銀關驟雨望紫陌而趨恩鐵幌馳風計  
 彤闈而瀝思赤馬文後之寶叢積乎郊虞紈牛露犬之貢  
 蒲盈乎儲邸青丘畫野不踰征賦之鄉蒼水奉圖未盡隄提  
 封之貫且夫緯武經文宏業也含幽育明至誠也混齊六  
 合大功也規模百代昌數也故能襲九空而寧庶物劃千

文苑英華 卷一百一十 朱生

里而統諸侯休徵象德而動嘉符觸類而至風揚畧洽藻  
乾慶於芳年司節河謙疑藹坤禎於明渚瑤枝結慶泉埃  
蕩玉盖之文瓊液浮其天酒綴金莖之色黃蕤紫脫湊仙  
穎於中畿翠萋丹萼疊靈株於上序駢眸候日漾影蒙池  
北翰翻風栖光理木祥飛井絡震鱗題瑞朔之元祉絢新  
郊枵獸紀和年之序具靈篇之絕貺究仙謀之殊休天人  
之際交矣皇帝帝王之道備矣由是三靈物覩扣蘭禁而棲誠  
九服子來詠嵩宮而騁力去奢去甚不矜黃屋之隆匪樸  
匪雕方順丹墀之請宸規相宅考周舊於靈都睿覽思和  
獲秦餘於正殿羣臣列陛奏蕭相之遺模天子臨軒採荀  
卿之故事炎洲八柱筵仙拱於林衡層一作岱畎五松委靈

材於梓匠衢宮記範萬機抗九戶之尊海孽移琛千縈省  
十家之費飛簾卷藹徹煙極而浮薨屏翳收津劃星墟而  
置塾瑤階百姓光懸寶露之壇瓊壁萬尋影絳崇霞之閣  
拖虹梁而四注星漢虧於上榮疊雲棟而三休寒暑隔於  
中雷雕楣鶴企杏勢分規繡栊虬奔殊形別起圓璫布藻  
罄羽壁於狼泉方鏡披蓮孕化璣於蜃浦芝樓對幄重傳  
五日之風芸閣列錢彩鍛三旬之霧文疏罩迥陰兔息肩  
於綺寮翠幌籠霄陽鳥鍛翼於珠網豐隆按節下複榛而  
司階列缺施鞭低叢楹而假道温房佇幸煦芳景於佳辰  
涼室乘閑稟徂飈於火序金鋪夕照若帝圃之輝瓊英寶  
綬晨懸類阿房之聚銀燭煙丘碧桂翊珉陛而披香兩岫

頽筠夾璿流而颺影九衢翻翠雜仙卉於中遠四昭霏紅  
間靈葩於右城神禽率舞光浮肆夏之軒瑞鳥相鳴響叶  
鈞天之樂鈞陳宿列儼雙碣於丹霄綺繳霞周闢千門於  
紫露爾其左扃嵩鎮申侯降太室之禎前枕莘郊伊尹發  
空桑之秀揭熊山而北眺貝闕猶存覩龜溜而西分瓊臺  
易接總交中宇廓川陸而疏畿竟想善鄰揆風霜而建野  
然則因秦構極祖宗耀金策之符作洛恢基我后創璿居  
之始援天引聖隔代重暉橫紫都而可襲配玄宮而非遠  
故能使神光夜燭鏡麟趾於文除仙滄晨華委鸞章於繡  
礎靈爻密發八方昭大有之和寶篆潛開六合啓同人之  
會兩儀交慶虛碧墀而翹旌萬寓披歡指蒼車而候蹕雖  
青蒲頌德東朝獻龍鳳之圖而丹極鳴謙南面動貂羊之  
詔百神推策望瑤徑而虔誠三讓奉符顧瑤壇而肅事龜  
書吐瑞按五校而分警鳳策揚輝翔八鸞而節步帷宮霧  
轉列芝蓋於中天帳殿星離輶蒲輪於大野紫鱗充饋若  
大帝之共臨素鶴翻華類羣仙之廣宴花開瑞雪委瓊饌  
而調芳綵絢祥雲夾珠旗而曳影功推三祖銀繩勒東岱  
之威業峻一人金筴奉南山之壽道旣成矣玄符集矣代  
旣貞矣元勳緝矣運三辰而虛玉柄風兌渙其中孚懸五  
禮而偃金科雷坎光其作解奔烽舉爵溢仙酒於中衢疊  
鼓分儲浹宸輝於下里吞九重而上運控八聖而遐征翔  
赤驥而啼風區吟翠虬而掩霄甸隱隱轟轟雷動天驚回

輿斜眇而降乎乾元之殿司宮在職肅坻墉而神行掌舍  
巡方煥巖廊而洞啓赫若朱螭負漢而輝橫海之鱗默若  
蒼鵬架壑而振垂天之翻千官曉次僚銀榜而端簪萬戶  
宵披候瓊膏而肅帶靈戈列陞天官具三揖之儀雲輅充  
庭宗伯橫一作九賓之禮瑤鯨戒響懸猛簾於端闈銅一作  
鐐一作狄分形肅嚴局於左序排紫微而立極宸儀冠明后之  
三俯黃道而披軒仙曆用乾元之九蕩蕩乎何聖人之無  
外巍巍乎而神功之不窮也臣勃席芳十步企景三冬雖  
承宣室之談猶窘靈臺之影仙壇遠秘已多謝於祥鸚大  
屢初成復攀榮於賀雀慨深梁甫終垂捧日之歡恩極其  
泉未動凌雲之價神圖不測固流絢於丹騰微志可存廣

鐫芳於翠琬敢獻頌曰

紫荷垂耀黃樞鎮野銀樹霜披珠臺月寫嚮明立極橫神  
廟一作社大壯摘爻斯干韻雅其鶉居化没狙訛道長瓊  
構霞明璜軒露敞葉人崇欲違天蠹象南巢不救東鄰長  
往其瑤緘考懿金板藏功道凝茅屋業盛高宮龍階察稷  
鷓閣調風推訪華禮酌儉思冲其懸蓋結疊傳翼生災千  
甍嶺接萬拱星開爭圖絢侈福極凶來風寒碣館露慘蘇  
臺其十館瑩秦金房砥室千間架漢韜雲闕日濟惡承危  
同亡異術傾軛未遠遺墟繼出其龍川結柶鶴塞稱符塵  
驚八際霧慘三都穹廬寶極剝幕璿樞司宮墜典掌舍淪  
圖其蒼衢毓社丹立表聖鳳矯仙樞龍廻寶命道凝金冊



功馳玉鏡紫氣抽華黃輝疊映其七神稽鶴識迹播鷄渾重

光累極翼子謀孫經天緯象就日提元鸞軒湛粹鳳几裁

尊其八祥抽紫曆業照彤管珍雀朝翻仙蟾夜蒲丹墟獻跡

青臺墜卯椒闔儀風芝闈奉欵其九登三建緒明兩開儀龍

譙霧鬱鷓禁霞披浪分璿渚景峻瑤枝黃扉曉列丹轂宵

移其十龜文獵彥麟旌放逸桂客攀榮松賓改律紫鷓開紀

丹虬聳秩縱壑搏颺登山捧日其十一功融棘序道備槐庭

不仁者遠惟道斯行煙搖墨綬電轉朱軒境懷春翟野散

秋螟其十二鄭竹分科燕棠輟諷銅機化極珠囊業洞禮貴

丹虬樂調朱鳳珠垞獻寶綿鄉委貢其十三龍關靜柝鶴塞

投弦歌呈豹尾舞進鳶肩銅撓疑月斥鐵輞星懸繩幽架

陰驛霧馳煙其十四霧壇凝紫河宮湛碧翠蕙翻颺丹萸候

魄霜均電散連珠契璧藹蓋籠霏花衢墜液其十五年和政

美化極風調靈臺軫詠考室興謠循圖訪典去泰捐雕道

存南面讓屈東朝其十六望雲裁措籠霄建宇方鏡星離圓

璫月聚梓匠傾思林衡授矩畫拱栖煙文軒架雨其十七芝

房疊翠桂廡流丹霞張萬戶霧葺千樂重肩駐燠洞牖栖

寒神加有叙既入無端其十八帝圖臨御皇僚萃止電戟揮

霜雲旌拒晷紫宮可逼黃街易履鳳礎騰文麟庭抗禮其十九

九珠泥暢績銀繩鬱契鶴嶺雲明龍壇景惠道超中古功

推下濟惟帝惟天惟天惟帝其二十

新廣雙城門頌并序符載

貞元十四年我常侍鍾陵之政成繇賦均調法令脩理男女小大祇承教化土地千里嗤嗤浩浩莫不剗心化為端良然後覃思閑暇將有改築自我官府至于門臺是用乘時洗故作新先是城有贅墉橫亘東西盤護便地甚曰無壯瞻彼闐闐亦特其門崇未及雉廣不容軌公斲掘平夷垣脩塗壞撤規模巖巖四扉每五夜將旦侯吏雲委鼓鳴逢逢鞞然洞開軒蓋絕塵麗一作麗非而並驚軍旅擁關而空入旗過優游馬不駢蹄一作駢蹄徘徊流覽勝氣洋溢改作之致騰凌前人真卓然之思也君子謂公氣冥玄極智遊象鬱以盛德統于大位苟視民之弊吾見其雍闕不和之氣决防潰澤之不若也豈復有煩寃淫濫之志漸于

風俗哉循跡觀政疑正在於是公嘗自濡翰有所紀叙實恐揮謙休聲不揚小子愚陋贊述銘頌請刻于貞石之陰使新門之績也皇皇然頌曰

鍾陵古城隘不工麗譙隙穴廢崇牖右貂作鎮一作前蹤中央砥平谿蒙籠嚴城朝旦日曠曠高開四門車馬通此邦此績垂無窮敢紹華藻揚清風

新州新城門頌并序

前人

城于防春秋書之重時也城于新與人誦之美功也何可謂之功曰余得言之矣大唐庚辰歲秋九月岳鄂觀察使御史中丞鄭公前牧于新春始佩銅虎符是年冬十一月蔡人不虔天子詔諸侯之師誅破之我有疆場與人腹背

慮禍甚劇為虞落然民大愁恐若寇暴至是邦一作郡也夙

昔無事人傲慢垂百餘祀城隍不張頽墉壞堞僅為平野

公乃度舊址量客土備畚鍤嘯丁壯勃焉而興於是謹刀

布以索力拷礮鼓以蕩氣嚴進退以設令立師伍以程課

烝徒雷呼萬鎚星飛誅墮聳勞問無留時凡甲子五癸即

崒然城成矣牖高三雉門容兩轡周廻一千八百四十步

門臺睥睨霞艷雲截如崇山斷岸邈不可嚮議金湯者我

居首焉日者嗣曹王臯討希烈之叛于此嘗具板榦作為

坯築役徒巨億經費稱是樹而復潰卒無能名風俗耆老

以為蛟螭靈恠蟠窟固護使人不見其績也公躬自省視

循理辨物心禱且計輔之至誠遂用堅緻鳴戲春蕪城楚舊

封也疆淮蔡邇申息地當隘束實生攻奪若嚮時敵者驅

鐵衣出穆陵襲我無備搖脛而至即江淮之南吾見其波

動矣然俾夫大藩倚一作椅其固屬郡抱其勢千里士庶高

枕而卧寇不致疑作敢萌彎弓捨矢之意者新城之謂也繇

是大君聽民間威聲聞望以公有文武上才秉心塞淵可

以防方隅可以握貴權故拔自倅牧雄居盛府山川幢蓋

皆舊物也寄任之重憂無其隣夫賢為世出績因時達微

新城吾見公之力才事業其堙鬱不揚乎鯁生作頌頌以

示後辭曰庚辰之歲鶉首有彗人用五兵維彼斬下壘及

風馬實啓戎情在昔無虞茂其闔閭埤堞頽傾我公作守

恢拓荒舊乃新其城百堵言言四阿孱顏矗如雲平扼衡

...

效苑英華 卷之七  
據會寇不敢過生人休戚維茲盛烈遭時而發鴻振芳名  
我有貞石不追不琢孰聞風聲是用作頌冀茲不朽與日  
月永明

雜頌上

馬寶頌 并序

梁文簡帝

皇帝應百姓之心副四海之願復履玉衡還臨億兆天地  
交泰日月貞明至理惟新隆平方始遐邇壹體中外提福  
含生欣欣若耘耰之逢夏雨懷情坎坎譬草木之值春風  
帝王之道超邁開闢睿聖之功殫曆邃古軒羲不足鑿柄  
堯舜不足憲章至哉大哉無得而稱也五月丁酉朔絲竹  
會於德陽之堂 一作殿 於時日進內宮星次鶉首仲夏之晷

稍極陽城之圭蕤賓之鍾初應潁川之律縉雲旦卷南風  
晚扇惠氣入帷清陰周宇玉輿雲罕照日克庭羽林中權  
分階列校簪笏成行貂纓在席昭天之樂金石鏗鏘報地  
之禮威儀肅省詔以馬寶示羣臣太僕効官趣馬掌贊三  
令五申丞聯事舉八麗四圍給役相趨暉煜金鑣陸離寶  
勒天地無疆之德末星致遠之功鸞鳴善鳴龍儀美稱沸  
毅權竒之威趨摠抑揚之態足轉驚電眼流含燭霧噴紛  
霏流沫飄酒數千爲壽豈待原蚕之禁萬里一息不藉杜  
衡之草王良不能控其衡策伯樂不能辨其文機方知總  
轡崑岑周非吾馭張樂大野夏有慙德豈止沉河用璧獨  
有綠文之稱盛德在木偏受蒼龍之名至於干將寶劍還

服書鄭之軍蓮花烏玉騰威大海之際况乎馬寶義實踰  
之方當夙沙自歸滑疑橋屈膝欵關入塞偃武脩文去病  
無出師之勞克國罷議邊之畧五律成珍九河如鏡臣謹  
按瑞應經彌勒成佛經中阿含經覽愚經並稱第三之馬  
者三千歲華子云堯漢皆得馬者堯漢皆火德正斗南方  
乘德而至也豈非聖德汪濊皇風洋溢研機洞元備禮達  
義是以天不愛道白馬嘶風王澤効祥朱鬣降祉比夫圓  
蹄方足躑躅在郊風嘯電奔聲疑遨處囿五彩依樹三雀  
登巢安髣髴於當今弗擬議於休應百辟卿士咸稱萬歲  
伊臣不佞結慶雲霄親承詔旨預觀寶瑞手舞足蹈贊揚  
不足宴禮斯畢退而作頌其辭曰

帝廣運德欽明儀郊升道形聲德為軌仁作經璇璣正太  
階平割五禮和六英開四攝行八政轉輪皇飛行聖愍含  
識資惠命引蒼生歸法性菩提真般若淨七寶均萬邦寧  
逖停史觀陳詩域中大唯聖期間一作開玄妙復孝慈解流  
澤隨因時刑已措績成熙三農盛九穀滋萬祗悅八神怡  
律有節曆得天景星曜慶雲連珠為月醴為泉民何幸值  
皇年乾道應坤馬來度玉關升玉臺鏤錫煥鸞鑣迴槃雲  
轉堞塵開千天駟百龍媒未伏阜掃駒駟秣瑤粟委芳芻  
九夷欵四表清肅胥樂興頌興開四攝作開

神雀頌并序

許善心隋開皇十六年

臣聞觀象則天乾元合其德觀法審地域大表其尊兩施

雲行四時所以生殺川流岳立萬物於是裁成出震乘離  
之君紀鳳司鳩一作紀之后玉鍾玉斗而降金版金滕以

傳並陶冶性靈含煦動植眇玄珠於赤水寂明鏡於靈臺

一作乎莫不景福氤氳嘉貺彙集馳聲南薰越響雲韶粵

我皇帝之君臨闡大方抗太極負鳳邸據龍圖不言行焉

攝提建指不肅清焉喉鈴啓閉括地復夏截夏一作海剪商

就望禮其尊登降一作咸昌其會綿區浹宇遐至邇安騰

實飛聲直暢傍施無體之禮威儀布政之宮無聲之樂綴

兆繆章之觀上庠養老躬問百年下士字民心為百姓月

棲日浴熱坂寒門吹鱗沒羽之荒赤虵青馬之裔解辯請

隸削枉承風豈止呼韓北塲遠頌一作頌狼居之岫熄慎南

境近表不耐之城故使天不一作弗愛道地寧恡寶川岳展

異幽顯一作明效靈仰素游頽團膏漱醴半景青赤孽歷虧

盈足足懷仁般般擾義祥祐之來若此升降之化如彼而

登封盛典雲亭佇白檢之儀致治成功紫燎靡玄珪之告

雖奉常定禮武騎草文天子抑而未行推而不有允恭克

讓其在茲一作斯乎七十二君信茂如也故神禽顯賁玄應

時一作特昭白爵主鐵象之奇赤雀銜丹書之貴班固神爵

之頌履武戴文曹植嘉雀之篇棲庭集牖未若干飛武帳

來賀文槐刷彩青蒲將翽赤芻玉几朝御取翫軒楯之間

金門但開兼留翬翟之鑒終古曠世未或前聞福召冥徵

得之茲日歲次上章律諧太呂玄枵會節玄英統時至尊

得之茲日歲次上章律諧太呂玄枵會節玄英統時至尊

未明求衣晨興于一作於含章之殿爰有瑞雀翱翔而下載

行載止當宸宇而徐前來集來儀乘軒墀而顧步夫瑞者

符也聖主之休徵雀者爵也聖人之大寶謹按考異記一作

郵曰軒轅有黃爵赤頭立日傍占云土精之應又禮稽命

徵云祭祀合宜則黃雀集昔漢集泰時之殿魏立文昌之

宮一見雍丘之祠三入東平一作平東之府並旁觀迴矚事陋

人微奚足稱之矣抑又聞之不剗胎剖卵則鸞鳳馴鳴不

漉浸焚原則螭龍盤蜿是知陛下止殺故飛走宅心皇慈

好生而潛浮一作浮潛育德臣面奉綸綍垂示休祥預承嘉宴

不勝藻躍李虔僻處西土陸機少長東隅微臣慙於往賢

逢時盛乎曩代輒竭庸瑣敢獻頌云

太素式肇大德資生玄功不器道要無名質文昂華沿習

因成祥圖瑞史赫赫明明天祿大定於鑠我君武義廼武

文教惟文橫塞宇宙旁疑射汾軒物重造堯風再薰煥發

玉策昭彰帝道御地七神或作飛天五老山祗吐秘

河靈孕寶黑羽升壇青麟伏阜丹鳥流火白雉從風棲阿

德邵鳴岐祚隆未如仙雀近賀王宮五靈何有百福攸同

孔圖獻赤荀文表白節節奇音行行瑞迹化王黼衣銜環

陛戟上天之命明神所格綏應在旃伊臣頌焉永緝丹素

方流管絃頌歌不足蹈舞而宣臣拜稽首億萬斯年

一作皆隋書本傳

文苑英華卷第七百七十八

校正一百一十字

四月二十一日

文苑英華卷第七百七十九

頌八

雜頌

靈泉頌一首

唐平陽郡龍角山慶唐觀大聖祖玄元皇帝宮金籙

齋頌一首

開元正歷握乾符頌一首 復練塘頌一首

玉版玄記頌一首

巴州化城縣新移文宣王廟頌一首

畋獲虎頌一首

靈泉頌

并序

駱賓王

聞夫玄功幽贊靈心以有德是先

集作親

至道冥符篤行以



通神集作仁為本若乃天經地義色養叶於因心夏清冬温

敬愛弘於庶集作錫類下及集作逮六幽之奧上通集作洞三光

之精不有至誠孰云斯感有廣平宋思禮字過庭永州刺

史昉之適孫戶部員外郎順之長子伶集作幼丁偏露集作罰

早喪慈母未懷鞠育之恩長增孺思集作思慕之痛弱不好弄

長而能賢趨庭聞詩禮之風承宗勗曾閔之行事後母徐

氏至孝烝烝集作以嘗恐集無此二字北向興悲泣高堂而已

暮集作各遂乃集無此二字南集作東遊下位覬微祿以逮躬集作親是

調露二年來佐百里俯就微班之列將申返哺之情苟集作

敬立身其若斯於從政乎何有集作遠雖屬時多集作歲亢旱

金石俱行集作行銷環近川源殆將湮絕濬井皆為湯谷通波

盡化汗池而太夫人在遲暮之年有温勞之疾非濫漿不

可以適口非源泉不可以蠲疴膳集作色養既虧憂惶靡計

集作訴俄而廳階之側忽有清泉集作而自生因䟽導其源遂

流注不竭味甘若體氣凜集作冷如水此邑南控剡山北集作

地連禹穴基址多石岡阜無津爰自興建以來曾微穿汲

之利非精誠貫於至集作有道純孝集作志浹於無私集作和非孰

能洽冥貺以通幽涌集作導泉源而致養者也昔漢臣忠烈

窮井飛于一時集作言姜婦孝思潛波移於七里靖集作靜惟

陳迹夫集作彼亦何人前集作肅縣尉柳冕耿介之士也道合

則金蘭若膠漆情隔集作異則軒冕猶埃塵片善可嘉朝聞

甘於夕殞集作死一諾猶重黃金賤於白珪以為執友素交

域集作

文苑英華卷之九

豈祿利輕肥之謂也賞音達禮非鍾鼓玉帛之云乎所耻者没而無稱所貴者存乎不朽徒懷美志未遇良才集作材

實王出贊荒隅途經勝壤三秋客懷長恨宋王之悲一而交歡暫雪桓譚之涕觀茲集作斯水之清泚感若人之精誠

見賢思齊仰珪璋而有地揮毫頌美鏤琬琰而無慙廼作

頌曰

粵若稽古厥初生人集作民人誰匪孝集作其誰不孝我獨踰集作難

倫義不在集作存道人不遺親愛敬盡力孝悌通神顧思罔

極集作顧我思極因心必集作成至冥契動天其泉湧地冷冷無竭

烝烝不匱曾是不集作我思求錫爾類爰有荷人景行芳塵

事諧則感道洽斯親情集作孝為禮主名是實實倘斯文之

不墜知盛德之有鄰

大唐平陽郡龍角山慶唐觀大聖祖玄元皇帝宮

金錄齋頌并序 崔元明

空洞之中溟滓之際靈文尚矣混成朕焉混成者何象帝

之先靈文者何龍漢之年五劫交周尊神遷遷九氣列正

無始常然治於流火之亭建練於洞陽之館二儀得之以定

位三景得之以發光赤明開圖碧落普度玄元奄有大道

遂荒真宗天法之以無倪皇仰之而未及羲軒應運堯舜

乘時均至化而思齊酌玄風而始死度獨立千古湛兮若存

首出百王悠兮不極矣粵若聖祖系襲神宗先天不違後

天繼代錫胤慶遠流派祥長國家纂戎欽承前烈三合一

德六葉同道平陽郡玄元宮者興王之肇兆也惟初授命  
 載告休徵權輿靈迹倣落祠宇昭張於國史乃今昇平未  
 配嘉瑞增修清廟大建於閔宮明白於御碑因吾道為天  
 下程由茲地為天下式非夫至道孰能與之哉皇帝御辨  
 無為齊心正一寤寐有感髣髴真容昭孝孫之精誠貽烈  
 祖之玄訓開元得聖象天寶獲靈符丕變再集而繁昌至  
 教遂興而畢備祗崇冊禮其高莫二袞龍克光於像設冕  
 旒追尊於帝臨荷那商頌生民周雅儔之於昔今則過焉  
 於鑠茲山會神之寓西對姑射北鄰天柱實通仙之秘府  
 也正殿肅穆廣庭森沉峯巒左右松栝交陰總虛無以靜  
 深也石壇重階瓴甃環甃隱訣參伍洞章護持三元表辰  
 八月降誕每至是日展法於斯脩金錄齋啓玉帛印道家  
 之寶王者之儀靡盛於此矣乃開乾門闔坤戶氣弘廣莫  
 風和不周八卦行乎其中矣仰列宿攝魁罡落日淪陰月  
 時沉滢六甲佐乎其旁矣仙侶順次羽人步虎朝拜九天  
 醮祠五老想鈎陳則黃雲散覆存太一則白鶴來翔其餘  
 侍者金童傳言玉女縹緲煙景徘徊元空求之希微宛如  
 契合惟鎮皇極叶時邕外以廓清萬里戎夷向化內以乂  
 安兆庶年穀滋稔減格擇疑作格澤漢書天文志格澤者  
如炎火之狀又見司馬相如大  
人賦格胡各  
反澤大各反興昌光動植生成陰陽氣茂利兵所措則戢  
 干戈靈宮所臨則消疵癘矧感通上果神降其福景命來  
 假天子萬年者乎觀主臣郭處寂虔恭是勤夙夜匪懈稟

師之錄佩之嶽符躬執科儀爰謀法要開元十六載御題  
觀額因隸於茲二十五年上疏議齋帝俞其請於是內使  
高真自王城而至綸音秘旨從天上而來諸侯肅臨郡邑  
藏事革故垣墉鼎新經像彤彩艷艷金光熒熒曾是所營  
曾是有成利乎未真太守臣裴眺并寮屬等性道孚敬誼  
形于政奉敷休慶聚合觀徒眾等皆相與遵乃宗極體乎  
自然熙澹漠於元和抃恬愉於天順微臣嘗佐汾邑親覩  
聖蹤強名道原用述真宰從窅冥而辨物因象罔而得之  
其詞曰

元氣之宗粵玄元始朱靈丙午赤明斯起太上道君託胎  
洪氏後天合德其惟我李爰初啓運符命歸唐海縣攸屬  
六葉重光天寶是應萬壽無疆大君推策考曆元陽空玄  
之中自然妙有無鞅之衆勃勃珠口迎不見前隨不見後  
外物雖變我法彌久龍角嵯峨肇興靈迹仙宮乃建清都  
伊宅洞裏天長寰中地隔皇矣大道臨下有赫金籙秘訣  
玉冊玄言陞壇之禮象法之門聖祖貽訓來告孝孫於茲  
授命未保元元克昌厥後大慶常存刊此樂石以奉至尊

開元正曆握乾符頌

并序

張九齡

臣言伏見景寅制書以開元曆握乾符垂示天下幸甚其  
沙門玄侃等所言益部耆舊傳洛下闕改顛頊曆推校最  
爲精密而日後八百歲其曆差一日當有聖人定之至于  
今曆果有差聖果有定誠非常之嘉應曠代之靈符不可

得而間也臣誠歡誠喜臣聞天道先聖而啓期聖人後天而奉時不當乎天心不在乎集本川粹曆數不登乎聖道

不合乎二本無元符玄命定而王者應幽數起而明者察

故洛下閔極其數而知來者舊傳尚其占而示後我皇帝

無思而感自然玄同僧玄侃等幸會而言豈云素慮非人

事也其集作神道也天固以二本儲祥以俟時積分

以差日出入數代多歷年所疇人極力不能課其詳上林

雜候亦莫徵其失則明天意以俟川文粹聖期期數未臻

乃藏於密聖證將至其集作應如響彼幽深之何有此會

通之不謀所以下協黃鍾上稽玄象以和六氣以合三光

復其見心間不容髮斗樞且運而况於人時元氣以調而

况於月今於戲天下之動日用不知昆虫草木生者自遂

麟鳳龜龍靈者自瑞蠻夷戎狄遠無不至山川神鬼幽罔

不洎此聖人所以定天下之象通天下之志而聖人之道

備也昔者河出圖洛出書自時厥後符命非一空文而無

應其殆乎人為寔錄而有徵焉假集作乎龍負則洛下閔

者此其神乎不然是何見之明也夫聖有時而不作物無

聖而不覩仲尼感時於鳳鳥古人歎壽於河清皆傷於不

達而恨於難見我后受成命重光于集作文武累聖而無

窮殊祥而無數集作彼衰命之者曾不得而朝聞凡今之

人誠何幸而目覩由是觀之當其來運唐虞之屋可封非

其有時孔丘之徒不遇時也者千載之會也萬物豈知謝

生於天乎兆人亦云忘力於帝乎微臣荷寵靈揚休命則  
臣子之志在于盡美而惟天之  
大終莫能名不勝區區敢  
獻頌曰

於皇惟后受命于天時來于今兆見厥先既定乃日允叶

斯年赫赫光明應於上玄集作以開元曆閩本作開元正曆不達

閩本作大終閩本作不達

潤州丹陽縣復練塘頌并序 李華

大蜡之祭辭曰土反其宅水歸其壑先王因流下而導之  
故曰九州滌源因迤匯而瀦之故曰九澤既陂以䟽天地  
之氣以利元元之用崇伯汨五行而殛羽山臺駘障大澤  
而封汾川洪範首之春秋載之地有廣狹事無古今大江

具區惟潤州其藪曰練湖幅員四十里菰蒲菱芡之多龜

魚鱉蜃之生厭飲江淮膏潤數州其傍大族強家泄流為

田專利上腴畝收倍鍾富劇淫衍自丹陽延陵金壇環地

三百里數合五萬室或作家早則懸耜水則具舟人罹其害

九十餘祀凡經上司紛紛與予八十一斷嗚呼曲能掩直

強者以得之老幼怨痛沉聲無告永泰元年王師大剪西

戎西戎既斂矣生人舒息詔公卿選賢良先除二千石以

江南經用所資首任能者是歲十一月二十三日拜常州

刺史京兆韋公損為潤州聲如飈馳先詔而至吏人畏伏

男女相賀即日上無貪刻下無冤憤公素知截湖開一作

壤災甚螟螣臨事風生指期以復羣謗雷動山鎮恬然中

明獨裁文之以禮乃曰本道觀察御史中丞韋公元甫一作

浦中丞撫手一作掌恢心如公之謀且曰興利除害得其人

而後行非常之政敢歸叔父公乃申戒縣吏卒徒闢之人

不俟招呼咸來二字一作林從役畚鍤蓋野浚阜一作浚阜成溪一作

蹊增理故塘繚而合之廣湖為八十里象月之規倚金之

固水復其所如鯨噴射洶洶隱地雷聞泉中先程三日若

海之彌望灑灑如吞吐日月沉沉如韞蓄風雨所潤者遠

原隰皆春耕者飽憂者泰於是疏為斗門既殺其溢又支

其澤沃壻均品河渠通流商悅奠價人勇輸賦遐邇受利

豈惟此州每歲萌陰乘陽二氣相薄大雨時行羣潦奔流

水得一作勢所入盈而無傷龍見方雲稼蒙其渥時前相國

彭城公劉尚書晏統東方諸侯平其貢稅聞而悅之曰三

事以聞詔書褒異焉彭城公宣命至江南捧詔授公公率

元僚掾吏令丞以下至于耆艾西向拜手忻戴皇明人心

上感天降嘉澤如有神祇昭協厥志公正直而和專靜而

斷嫉惡宥過惠人察姦純鈞精堅百鍊不耗伐冰之貴降

從士禮詩云靖恭爾位好是正直宜其享多一無此字福也吏

人入賀公拱而謝之曰尚書劉公觀察韋公奉行王澤也

鄙何力之有焉丹陽令杜孟寅秉公之清白延陵令李令

從如公之愛人金壇令胡玘稟公之成規及丹陽耆壽周

孝瓌百姓湯源等拜首而請曰允為澤允悅也水歸於澤

而澤悅於人百年侵一作浸塞而公啓之臣哉隣哉克諧帝

文苑英華 卷一百一十九 張慎

休末代是式三縣無災若不碣而刻之則命不揚於厥後  
後之人無以倚負也華嘗學古見訪為頌曰

望云云兮視冥冥鳥閑魚樂葭茨生膏腴利倍起訟爭斯  
人怨抑痛無聲韋公正直動神靈百年淤一作游淀為溲清

饑者飮兮病者寧詔書光寵恩濡榮劃然眊瞍復皎明追

琢刻頌颺芳一作馨 一作皆唐文粹

玉版玄記頌并序 于邵

草莽臣稽首獻頌曰臣聞殊祥大報者皇天無私慎終追  
遠者祖考來格皆上帝之所協德豈蒸人之克預也我皇

帝陛下建皇極行大道體元以煦覆品物以陶運執斗柄  
而四序潛廻張地維而八埏至靜方四十載矣而天下大

順巍巍乎其全功歟玄元皇帝陛下之烈祖也寶慈儉以  
垂後昆法清淨而示教父一作文 歷千百祀而陛下道存妙

有化洽無為動之太和寂以玄覽非得一而正乎陛下執  
大象敷玄宗聖祖儀刑於郡國景命紛紜於圖史者蓋百

數矣開靈寶於分陝之郊古復明號形縞衣於隆聖之閣  
時庸展親探三華於丹墀之上近而得也想五利於滄波

之外遠而治也故朴畧之初三五以降曾不敢以功階並  
也今太白山人李渾等暫因形動未假神遊初入緇帷之

林忽變紫微之境古祠之下猶龍肅然霽色雖澈於清霄  
榮光自分於白晝玄宮咫尺仙衛徘徊接電裳以受離奉

玉顏而專對光啓王室宣昭祖孫方一作寶 錄實而未弘緬



逃聰而奚取由命京畿採訪使戶部侍郎兼御史中丞王  
鉉發皇華而載馳望白雲之有處瞻仰如在真風宛同歷  
五洞之杳冥尋一門之窅窅行前有會感而遂通石臺齒  
齒而特秀玉版熒一作焯而自秘式傳無忽祗受不差天  
香氛氲其液浹洽陽鳥抱戴而上燭卿雲交映而前引率  
皆科斗之文時人無能之者陛下乃齋心服形絕聖棄知  
閑居於大庭之館遊夢於華胥之國而後攝外慮嚴天恩  
捧玄記而納宸極洞一時而萬物覩其辭炳耀而有屬其  
義綿延而自久齊聖壽於日月恢國祚於宇宙上和天  
地下以洽神人臣不知其天之爲大也如此遂下明詔百  
官荷億載之殊慶追六聖之遺謚旣撰日以嚴配親大禘  
於闕宮鳴鸞以蘇清蹕在聽臣又以開闢之後無以尚之  
於是文武百辟蠻夷君長泊黃緇老幼各有等威雲趨玉  
闕而請曰陛下奉天之昭錫承祖之大命百王無以徵其  
符千載不復遇斯瑞崇累朝之德孝之大者掩至尊之美  
謙莫甚乎旣而天聽未迴睿獎猶邈臣下罔知寢處黎人  
咸造勿褻而言曰天其或者以天下之物無可以稱陛下  
之德故續戎徽號因聖祖以發明今陛下不得不名之固  
非一時之所強名也書曰不臧厥臧人罔攸勸願陛下臧  
而勸之抑讓之至于三方需然曰俞哉斯亦天之所俾也  
遂命稽皇典序國儀韶護作貂蟬進慕鴻猷而專用之明  
大訓而奉行之雷雨作解小大以正四靈在郊敷以待命

三光出躔次而延澤豈祇羣臣之私乎率土之私乎臣生  
沐淳風欽承寶化百揆時叙空聞賡載之歌三階底平久  
著登封之頌伏以神功丕應澤潤生靈挹超代之範圍與  
下人之陰騭方軼於周王遊玉黃帝迎年豈與夫河東壽  
宮城陽薦馨而已矣仲尼以舜禹之事立不得預議者以  
方今之盛臣實預焉庶效采詩之典曾何萬分之一伏獻  
頌曰

巖巖太白列僊是宅八會真歌三清羽客幽陰肅爽處處

靈一作雲迹皇唐上祖天人元君揮斥六合時乘五雲貽厥

景命昭我聖勳神靈宣功華芝獻壽荐錫玄記光資妙有

玉宇天長石臺地久億載新兆千齡古書字形科斗臺狀

芙蓉神力莫測象帝之初一作則烈烈遺謚清廟崇之明明

徽號我后尊之天授玉記惟皇之禎微臣薦頌遊聖難名

巴州化成縣新移文宣王廟頌并序 喬琳

或曰天生德於聖人是為文宣蒙以文宣之為聖人蓋其

自生非天生耳夫道有精德有純禮有意樂有神四物幽

贊百靈淳感特與天地位而成三故夫子之前未曾生夫

子夫子之後不復有夫子宇宙古今倬惟一人謂天能生

曷不能數生也故曰非天生耳河圖鳳鳥言其德梁木泰

山言其用謙以况物物由我成且孔聖之道恢張而天下

理汙殺而天下亂觀其可以卜理亂也領徒三千傳徒三

萬桓文不足侔其衆夾谷之戮齊優兩觀之誅少正氣盪

河岳精廻日月然而俯俸魯卿循循鄉黨行道救世不自其躬且唐堯五臣不無四凶周文十亂不無三叔孔徒萬數之內唯宰我怠於晝寢卜商短於假盖未聞庶其之奔佛胥之叛遺墟舊宅刺草不生則教之所入者深化之所弘者遠鏡懸象緯掌著興亡籌萬代於一筭爾我國家敷教訓格以王者之禮加徽號焉示明王果有宗也德位交叙以奉天時然三皇五帝迄于今春秋釋菜廟食千祀特惟夫子耳則冕旒衮服聖人之餘事封建褒崇有國之盛典化成縣令范陽盧沔純深貞特廉孝絜矩夏大旱偶有事於文宣公焚香至誠雷出自廟指觀倏忽霈然滂沱自下車數月有感輒應無方之神豈情於造物者乎可由而不知也以此頃因祠宇荒僻垣墉頽圯懋聚樵牧褻黷威靈公以必葺而未言頻假寢以夢聖際地兼聖此為新宮曰衣冠禮樂不下庶人宣風布教職先令長出家財以資匠費督門吏以勤役工青襟黃髮更唱迭和椽欂雖舊而華魄惟新自甲至癸不及旬而功已集郡官畢賀百姓未知足見役不及人也君子曰盧侯以心感神以身律人可謂善政也已矣郡守楊公中和大雅聞善若驚悅而羨之曰盧方辭蒲不以家為出鍾離捧錢脩孔聖遺廟善政之餘地也僉曰都允哉梁國喬琳臺之作為新廟頌頌曰殷之系聖周之斯文生我夫子世教之君六藝折衷三才更分視不可見聽不可聞登降既定天人大觀禮樂神鬼

幽明協贊由之則理匪由則亂百王同流萬古彌煥夢奠  
既兆哲人其萎自家刑國廟貌思之周微唐興千祀于茲  
春秋祭菜俎豆其時維巴之南亦揭其宇盧公宰邑人之  
父母假一作我非堂陋彼環堵爰就爽塏長岡之下相協  
厥居作為新宇不日不月既葺且崇頌徒知歸發篋來同  
斯之未信此也求蒙時惟龍見人懼魁虎寧丁我躬虞鞏  
是託戶牖之際雷霆震薄雨公及私是刈是獲廟既更矣  
歲既盈矣公之志思人亦勤止變此夷俗參乎孔里學者  
行之造次於是

畋獲虎頌

并序

符載

虎在毛物有剛猛而為暴者也畋而獲之觀令施而士勇

著也且荆為澤國疆亘雲夢伐

一作

麇麇弋鴻鴈蓋便習

也唯獲虎則異故大而張之六年冬十二月臘日甲辰節

度使御史大夫樊公大畋于郢城脩軍禮也先期之辰命

耆將宿帥將騎步兵五千盛陳於所舍之地越翌日朝陽

始昇郊牧靜夷建大旆之彤彤抗高旌之萋萋無小無大

千戟萬羽閃舒絢煥膠膈磔錯狀濤湧而波汨咸從公而

觀之於是樹蘭防列轅門表旗鼓而卒伍縈紆遼蔓星陳

鱗次中軍發號沸渭洄

一作

起拉榛棘秘梗撞高垝埤路

培健足剗驍超脂

一作

染鳴鏑血湔飛幟或潰潰以狂顧或奔

祿而滅地竭銳精以圖免雖絕脰而猶視士氣方雄乃縱

火攻烈焰炎炎燒雲颯風熒陰深巷蒼蒼翳蒙籠扑呼未終

山平澤通其有冒鬱攸走煤燼蒙茸袒裼徒搏獨殺者不可勝道維明日復圍于龍山之北岡先是里人之訟乳虎為暴肆毒貪婪白晝族行圈阜無豕牛林麓絕樵蘇老幼愁恐極於兵寇既卜其穴乃大搜而取之爽氣凌厲士扞餘怒思與鬪死莫有異慮敲扣拍撲芟殺策礪洞篁篠之冥密劃蒙蔓之纍絡勢窮則搏鬪於莽下觀其怒氣之所狡憤迅軀之所騰時鋸牙之所噉齧鉤爪之所拏攫傑作人立呀若箕張聲軒一作轟暴雷目爍爍炬爰有一人烏獲之倫威鬱喬傑傑狡獪決憑髯奮怒毛豎皆裂罇長戟以撐拒乃匍身而掩刃勢傾力絕四偃在地穿喉貫背瓜有餘搏於是騰氣射虹蜺酣譟破山林耄老慶童幼拊淋灘顛負獻于公所公以為天稔其毒必將姪孕剖視其腹即獲乎四子矣於是廻鑣返旆校能計獲發府庫行飲勞賞功也大凡古者天子諸侯四時皆畋因畋以理兵先視其禮儀次察其號令後觀其坐作進退之度有不用命者乃斬之以徇於衆焉武德脩備乃事蒐狩上以奉宗廟下以禮賓客其有肉不登俎材不中器則謂之不軌不物而君子譏之今大夫法先王之制順時序之氣展敬農隙大講戎事卒乘具文章明武脩也威儀肅行伍列禮盛也無逸飛無漏走令張也緊是三者備足焜耀况乎啓沉毅誅暴橫耽耽五虎斃在指顧是得不謂動合模範成堂堂之觀乎公常握文武之柄荷申甫之寄擁旄荆國星霜四周流

愷悌之仁布大中之化政之被民者如陽和熙熙蒸變生  
 物各遂暢達不知其然故無得而稱焉洎於軍旅之際德  
 禮也如是勇練也如是播此智畧寓諸形容因知公之師  
 可以振文經可以翊皇威可以截不庭可以攝四夷與上  
 古儔侶赫赫巍巍即豈獨躡荒山殪猛獸馳騁觸蹙一作蹙  
 左旋右抽而已哉載末儒也猥以縫掖獲陪鞭弭之後目  
 覩盛烈失去畏懦敢愛文字使其闇然而不彰乎迺作頌  
 曰  
 玄陰凝兮殺氣厲揚三軍兮順時殺鉞戟羅兮山谷隘飛  
 走殫兮林莽壞有虎勃起兮萬夫駭闕呀天矯兮雷霆唱  
 紆沈慮兮振明戒于一奮兮傾五害旋勝軍兮翻大旆  
 鼻戴兮樂幼艾勇毅之師無與對可誅不王截海外

按正七十四字

四月二十一日

文苑英華卷第七百七十九

文苑英華卷第七百八十八

帝德

聖應圖讚一首

聖賢

自古聖帝名賢二十七首

曾參讚一首

玄通大居士讚一首

四皓讚一首

隱者讚七首

先賢讚六首

二孝讚一首

無為先生讚一首

二疎讚一首

祕閣賀監讚一首

狄梁公立廬陵王傳讚一首

聖應圖讚

藏書

續羊叔子傳讚一首

伊尹五就桀讚一首

梁丘據讚一首

漢三高士讚一首

新城三老董公讚一首

易商君列傳讚一首

帝德

聖應圖讚并序

張九齡

臣聞啓聖者天也宜有以覺悟受命者聖也必有以明徵  
故神不言而可知時將至而先兆當陛下龍潛於上黨也  
或託類於雲物或効靈於卜筮天之意者丁寧垂象唯恐  
後時而又以潞水之泓深山鹿之挺集作捷走馳騁集作騎是  
獲厲流不濡非力所能以明或躍乾之上體時而九四神  
道幽贊聖期密邇自後而占何著明其若此盖天福海內

地降聖迹以瑞非常之后以决如神之策至于再三明必

信耳有郡掾崔弼時其從行見龍騎飛先馳謂河流可涉

亦既數步遽已滅頂非集作不沉也安足以驗飛無凡也於

何以昭聖事來自久命常惟新臣不勝至願謹爲聖應圖

遂獻讚曰

龍之或躍泉有何深神亦成象化爲背禽凌厲是獲明命

則忱如彼從掾焉能不沉

聖賢

自古聖帝名賢讚二十七首

庾信

黃帝見廣成子

治身紫府問政青丘龍湖昂沒丹竈珠流興一作疏雲即雨



落木先秋至道須極長生可求

堯登壇受圖

登壇洛汭沉玉河湄丹圖馭馬綠甲乘龜榮光上幕休氣  
連帷雖存克讓於見文思

舜舞干戚

平風變律擊石來儀先齊七政更服三危朱干獨舞王戚  
空麾南風一曲拱已無爲

禹渡江

三江初鑿九谷新成風飛鷁涌水起龍驚樂天知命無特  
憂生危舟遂靜亂戢還平

湯解祝網

連珠兩起合玉雙沉穀爲祥樹桑成樂林三方落網一面  
驅禽德矣聖政仁乎用心

文王見呂尚

言歸養老垂釣西川岸止磻石溪唯小船風雲未感意氣  
怡然有此相望于茲幾年

武丁迎傳說

虞田路斷辭潤泉飛躬勞版築有弊韋衣賢臣入夢天賜  
無違千巖之下遂得同歸

成王刻桐葉封虞

虞叔百里居河之汾帝刻桐葉天書掌文禮以成德樂以  
歌薰天子無戲唐其有君

文苑英華 卷一百一十

文苑英華 卷一百一十

三 黃文

漢高祖置酒沛宮

遊子思舊來歸沛宮還迎故老更召歌童雖欣入沛方念  
移豐酒酣自舞先歌大風

漢武帝聚書

獻書路廣藏書柱開秦儒出谷漢聞吹灰芝泥印上王匣  
封來坐觀風俗不出蘭臺

袁盎諫文帝

千乘峻轍六轡危行跡廻松坂山叙柳城龍淵地狹華蓋  
風驚賢臣攬轡可謂忠貞

朱雲折檻

上書直諫有怙明君先求斬馬遂請魚文身摧欄檻義烈

風雲應從御史翻賴將軍

周公戒伯禽

伯禽居魯鳴玉來朝周公政治爲國風謠北山有梓南山  
有橋禮容雖備俯仰無驕

五月披裘負薪

披裘當夏俗則爲心雖逢季子不拾遺金禽巢欲遠魚沉  
唯深清聲一作滅跡何必山林

王祥扣冰魚躍

王祥之母鮮鱗是求水連鈞浦凍塞寒流精誠有感無假  
沉鈞二老同膳雙魚共浮

孫叔敖逢蛇

叔敖朝出容悴還家母氏顧訪知埋恠蛇爾有陰德陽報  
將加終爲楚相卒有榮華

高鳳好書不知流麥

高鳳好學專心不廻流連經笥對翫書臺石門雲渡銅梁  
雨來麥流雖遠書卷猶開

張良遇黃石公

張良取履跪授無辭兵書一卷長者二期昔稱韓相今爲  
漢師穀城餘石還歸舊祠

師尚父授丹書

尚父一遇周王是親赤雀旣下丹書已陳自論秉鉞長別  
垂綸獨有磻石留名渭濱

榮啓期三樂

榮期三樂唯人與年夫子相遇卽以爲賢性靈造化風雲  
自然雅琴雖古獨有鳴絃

夫子見程生

程生夫子一遇相知薄言傾蓋桑陰遂移清陽共羨賢聖  
同羈陳詩難別贈絹傷離

鈕麇見趙盾

趙盾將朝端衣整笏鈕麇受命衝冠怒髮惆悵賢臣顧瞻  
城闕利劍不抽青槐先絕

蔡澤就唐生相

蔡澤羈旅唐生決疑無勞神策不問靈龜富貴自取年壽

須期雖云異相會待逢時

### 李陵蘇武別

李陵北去蘇武南旋歸驂欲動別馬將前河橋兩岸臨路  
悽然故人此別知應幾年

### 樊噲見項王

樊噲將軍漢王車右不憚鋒刃何辭卮酒霸上屯軍鴻門  
固守持謝范增唯留玉斗

### 秦穆王欽盜駿馬

駿馬遇盜秦王不嗔先傾美酒翻畏傷人隣兵向國窮寇  
侵秦于時大盜還作功臣

### 延陵季子遇徐君

徐君有禮季子惟賢經過一遇如舊依然人非別後心許  
生前長松雖合寶劍猶懸

### 曾參字子輿讚

### 蘇頌

百行之極三才以教聖人叙經曾氏知孝全謂手足動稱  
容貌事君事親是則是効

玄通大居士法雲公贈司徒魏國公萬迴大師讚

### 前人

法本無着而乃強名名言則斷法止不生應化得真示空  
歸有言似或中法皆虛受以心觀心無淨無垢

### 四皓讚

### 李華

時濁世文粹危賢人去之商洛深山鸞鶴文粹潛飛漢以

霸與皇王道衰玉帛雖至先生不歸吾非固然可動而起  
龐眉皓髮來護太子至尊動容奪嫡心已四賢暫屈天下  
定矣返駕南山白雲千里

隱者讚七首

嚴君平

先生冥冥隱于卜肆宗師老氏精究易義爰衣爰食止足  
非利垂簾燕居默養真氣誨人不倦人悅其風皦昧柔剛  
在我域中心與世遠事與人同不臣大君不友上公在貴  
反賤齊明若蒙遼哉遠哉微妙玄通弋者何爲仰慕飛鴻

嚴子陵

五彩雖美玉不汙質光武盛明子陵不屈羊裘魚釣以此  
終日網羅遍野乃致雲鴻降尊申舊延卧禁中舒體展肢  
加于帝躬星官告占天下聞風富春長往漱濯清江

申屠子龍

齊宣燕昭折節下賢羣儒畢至冠帶森然天子尊崇盛於  
堯年爰及暴嬴書焚人坑東漢祖宗悉尚儒生生徒橫議  
公府畏名肆其吻端以正鈞衡物極變興子龍遐征身全  
道高惟智惟明

陳留老父

去危圖安危則不隕竭而後汲力亦隨盡麒麟遐步終日  
不跪逃刑諸生自脫何晚深乎智叟孤遊冥遠

管幼安

我蠶我衣我耕我食推心而動神佐正直溟波不沉一作是涉  
伏此之力島夷卉服移我淳德衡門栖遲台佐讓職時非  
吾世語不如默

留侯

孺子心壯陰讐國冤結客飛鋌天下雷喧神付幽符帝納  
密言去則項亡就則劉興唯天有鑒類日之昇玄機靜運  
四海波澄絕粒謝時方追赤松強爲國起鎮定東宮安危  
在我萬古清風

皇甫義真

桓靈政昏豐因宦者黃巾四起血流天下京師動搖鬼哭  
匝野義真受鉞誓衆而前即日掃除京觀如山渠帥已死  
破棺折元謠頌風興豕邦獲安世故紛紛罕有令人旣成  
其勲又保其身東漢絕臣嗚呼義真

先賢讚六首

前人

管敬仲

小白圖霸尊周服楚聿求仁智扶我此舉叔牙知人拔管  
于魯一作無一言而合爰制師旅布命諸侯威行九土周王  
南面列國來朝朝服濟河心無動搖束髮左衽遷乎一朝  
邢歸衛存楚貢苞茅懸車北討山戎遁逃三歸備職不足  
累德七子仕楚後人雷臆

隨武子

周衰晉霸世有哲卿范武在秦晉國如傾將中軍師一作帥

世主夏盟典禮攸興刑政以清神歆正詞國賴直清諸侯  
朝貢楚不敢爭告老歸政身金德明溥傳嵩岱首冠春秋  
楚子歎息趙文綢繆馨聞百代風暢春流

東里子產

荆王晉侯虐我小邦南則荆侵北則晉攻採首採尾

一作採其

首跼不能起當炎獲濯國氏之子孤明內斷頌興謗止入

陳事周權禮並理諸侯新睦霸主悅喜遺愛不忘我行溱  
水

鴟夷子皮

龍蟠幽谷潛伏非時蟬蛻高枝飲露而飛進如風行退若  
雲歸冥冥其義絳絳赫其歸小粵霸興強吳蕩夷功成不居

先生傳之

樂生

明明昭王文武樂君君臣相趨龍吳雲蒸旣佐弱燕削耻  
南伐風驅雲鼓齊國瓦裂弔厥罷人旌其故節宗彛樂器  
歸獻燕闕化弱爲強摧堅俾折鎮以仁義期之感悅梁趙  
屏風秦楚弭節天厭諸姬燕不可扶昭王不席樂生道孤  
讒行將換齊復爲都季命隣君君告謀燕痛詞而泣義貫  
于天勁飈遐舉攝轡將奔趙王慙羞故國獲存赫赫高皇  
戎輅北轅徘徊趙墟封其子孫遺風可師名教之源

謝文靖

在昔符秦將霸晉邦百萬雷行飲馬竭江江淮岌業力屈

則降謝公從容子弟董師以少擊多一鼓殲夷

二孝讚并序

前人

靈武二孝曰侯知道程俱羅目不覩朝廷之容耳不聞韶夏之聲足不登齊魯之境所見戎馬旃裘參於夷狄而能生養以孝歿奉以哀穿壙起墳出於身力鄉人助之者哭而反之廬於塚次號泣無節侯氏七年矣程氏三年矣根於天性陶我孝理其至乎哉埃垢積首草生髮間每大漢晨空連山夜寂人煙四絕虎豹與隣擁墳椎膺聲氣咽塞下人九泉上徹九天背爛心朽皮枯節攀草木先秋而凋落景氣不時而凝煙一作殊鳥異獸助之悲號萬物有極此哀無窮大哉二子能以孝終始乎語曰孝如曾參不忍

離於一作親生不忍離一作生一作既不忍歿忍離之哉二子之孝過

於魯氏矣昔吳起忍與母盟陳湯忍匿父喪起謀復楚霸而戮死湯功釋漢耻而囚廢神道昭昭若何無報九州之衆誰非人子踐霜露者聞風永懷士有感一諾一顧猶或與之死生嘉一草一木猶或為之歌詠而况百行之宗終天之感乎華奉使朔陲欲親往弔焉屬河凌絕渡願言不果憑軾隔川寄聲二孝因一作為讚一章敢旌善人以附惇史其文曰

厥初生人有君有親孝於親者為子忠於君者為臣兆自

天命降及一作人倫背死不義忘生不仁愚唐書及智就

為之禮文禮文不能節其哀繫道德之元純至哉侯氏創



鉅病股手足胼胝成此高墳蔬菓為奠茅蒲為茵其奉也  
敬其生也貧大漠黃沙空山白雲栢庭既夕松路未晨寇  
戎接境豺虎一作成羣夜黑飈動如臨鬼神哭無常聲迥  
徹蒼旻風雨漂搖支體鱗皴色慘峩蒿聲酸棘薪苴斬三  
年爾獨終身邑子唐書作程生其哀也均顧後絕配瞻前  
無隣冬十一月浮一作冰塞津吾將唁一作之其路無因  
寄誠斯文揮涕河濱一作皆唐文粹

無為先生讚

權德輿

至人無感與化升降全而不形保而不蕩泚然順物付集  
時之自當苟乖於是無非溺喪保合浩淳先生其人德機  
不發鳥獸同羣稽首玄關請滌蒙昏笑而謂予道不遠身

支離而全以靜為君滑之則散泊集作之則存天性者名

木伐蘭薰與時卷舒中若浮雲集作臭絲焚無撓而真

勤而用斯至妙之門百昌皆化吾亦歸根動作天壤集作

靜為地文鳥行無章變化云云強名無為以鏡心源

二疎讚

前人

靜專動直惟乾之德酌用不窮君子中庸矯矯二疎知微  
知終功成不居父子清風天子賜金羣公出助都門之美  
焯映千古優游衡門棲息化源日飲醇耐心閑道尊人或  
言利利令智昏清行素風可貽子孫萬物營營吉凶相生  
環中之樞泊然遺行中林寂寥幽蘭自榮雖有贈繳不羈  
冥冥知止不殆古先炯戒賢哉大夫終始無悔

秘閣五絕圖賀監草書讚

前人

季真造適揮翰睨壁酒仙逸態草聖絕跡與涵雲海詞韻  
金石傳於秘丘永永無斁

狄梁公立廬陵王傳讚

并序

呂溫

梁公以武氏篡盜國命如綴翊安宗社非我而誰是用蒙  
大耻履大險聳節振美義以持世心閑高祖天下於方寸之  
地盜力雖盛莫之敢闕唐復為唐繫公是賴後代昧者頗  
歸功於五臣殊不知五臣之功公所授也客有以李北海  
所傳示予者述廬陵王廢立之際見公如生貽諸將來可  
以不惑敢摠憤而讚之詞曰

於休梁公杜稷之臣濡跡應變與唐屈伸妖虹橫天鳴牝

專表獨立大道指南生人闔闢有期命先我時乃建國本

代天張機取日虞淵

集作泉

洗光咸池潛授五龍夾之以飛

臨終指麾皇業再基運起身後功成不知穆若清風嶷然  
宏規凡為臣者可不度思

續羊叔子傳讚

前人

天厭鼎峙蜀滅魏改錫晉羊公以同四海儒衣登壇嶽鎮  
荆蠻十萬之衆從公而閑逍遙峴陽傲視勅敵用仁為間  
出入無跡吳國雖守吳心已降吞於胷中不見大江勤物  
忘已樂天知命留功遺人國愈身病江漢舊域德膏潛蒸  
化行兵中兵息化興策雖平吳道不相晉末嘉南遷豈曰  
泯泯

伊尹五就桀讚并序

柳宗元

伊尹五就桀或疑曰湯之仁聞且見矣桀之不仁聞且見矣夫胡去就之亟也柳子曰惡是吾所以見伊尹之大者也彼伊尹者聖人也聖人出於天下不夏商其心心乎生民而已曰孰能由吾言由吾言者為堯舜而吾生人堯舜人矣退而思曰湯誠仁其功遲桀誠不仁朝吾從而暮及於天下可也於是就桀桀果不可得反而從湯既而又思曰尚可十一乎使斯人早被其澤也又往就桀桀不可而又從湯以至於百一千一萬一卒不可乃相湯伐桀俾湯為堯舜而人為堯舜之人是吾所以見伊尹之大者也仁至於湯矣四去之不仁至於桀矣五就之大人之欲速其功如此不然湯桀之辨一恒人盡之矣又奚以憧憧聖人之足觀乎吾觀聖人之急生人莫若伊尹伊尹之大莫若於五就桀作伊尹五就桀讚

聖有伊尹思德於民往歸湯之仁曰仁則仁矣非久不親退思其速之道宜夏是因就焉不可復反毫殷猶不忍其遲亟往以觀庶往作聖一日勝殘至千萬冀一卒無其端五往不疲其心乃安遂升自阨黜桀尊湯遺民以完大人無形與道為偶道之為大為人父母大矣伊尹惟聖之首末本京本作惟聖人之首既得其仁猶病其久恒人所疑我之所大嗚呼遠哉志以為誨

梁丘據讚

前人

齊景有嬖曰梁丘子同君不爭古號媚士君悲亦悲君喜

亦喜曷賢不讚卒讚於此媚余所仇激讚有以梁丘氏集無

此之媚順心狎耳終不撓厥政不嫉反已晏子躬相梁丘

不毀恣其為政政貴集作實允理時睹晏子食寡肉集有味缺字

憂其不飽告君使賜中心樂焉國用不墜後之嬖君罕或

師是導君以諛聞正則忌讒賢協惡民蠹國圯嗚呼豈惟

賢不逮古嬖亦莫類梁丘可思又况晏氏激讚梁丘心焉

孔粹

漢三高士讚前漢一人後漢二人

陸龜蒙

王霸仲儒後漢作儒仲清節是履集作理有息躬耕黃頭歷齒故

人令狐奉書遣蜀本作遺子從以車徒入耀問里既集作即往霸

卧一日集作日又不起其妻訊之以息愧耻君遺集作遁世榮抗

志不仕子親耒耜固其宜矣我實信道曷足慙彼霸乃忻

然恬澹如水夫高婦賢可謂具美

摯先生恂伯陵之孫學通五經居于渭濱弟子累百馬融

服勤以子妻之師而益親融為大儒恂乃知人和帝之世

公卿以聞季直才器宜當輔臣公車就徵禮備玄纁守道

不至終為逸民

外黃申屠少負名節義女執仇令欲論殺蟠以同縣諫請

平江集本作諫上讞廷尉宥之旌彼孝烈傳通羣書復善

譚說漢德日衰政實務末蜀本作漢衰政隱於礪山遂與

世絕獻帝即位徵為三公邀苦不應冥冥一蜀本作鴻時人

賢之重者蔡邕明哲終始嗟乎子龍

新城三老董公讚并序

皮日休

在漢之取天下也三傑而已矣蕭何苦民力以給兵輪韓  
信殺民命以騁戰功留侯設詭策以離秦項當其時未聞  
以仁義說于君者而董公乃諭之以喪義帝至使天下宗  
漢者為其喪義帝也夫漢祖以曹參雖有攻城野戰之功  
不如蕭何也信矣哉至于苦民力殺民命設詭策反不若  
董公之功也哉如高祖為天子以公為師友行其道於時  
其利可知矣公之道已行於漢而不覩封賞之禮又當時  
史氏無一字以褒之因為讚以旌之

項氏狂攘賊我懷王天命未的孰存與亡皤皤董公一言

漢昌一人殺君天下皆傷一人哭君天下皆喪項由是弱

漢由是強扶義而征可知軒黃唱仁而戰可知武湯用天

子集作用道折彼雄鋸繫公之道與漢而光

易商君列傳讚并序

前人

商君者用於孝公制其法而秦給御其謀而魏敗封邑未  
居轅刑以及嗚呼商君之匡秦雖不必盡是然亦至矣太  
史公貶之過實非以欺公子印刑公孫虔拒杜摯之說者  
乎然有一是亦足以救斯非也余悲商君忠而受刑因重  
述其行事以讚云集作

商君之于孝公也一二見孝公不悟其說非皇王之道行  
之難不及其身者乎斯孝公之罪也在商君有心於是道

不亦多乎當商君一二說孝公行之商君必為阿衡矣嗚呼卒以竒合特用自蒙於倖悲夫

溫陵黃伯光曰鞅挾術

公也皮子以不用為孝公罪且冀其為阿衡是為鞅所欺也夫鞅以其術欺時君及後世卒不能免其身也宜哉

校正五十一字

四月二十一日

文苑英華卷第七百八十